

TMC 52365/2107 (31)



31

46420

08404

聖宋名賢五百家摘芳大全文粹卷九十一

釋疏

興龍節道場疏

朱晉

神高天呂鴻通夢日之符月應上弦潔登流之土培生真聖
 契昌期泰惟皇帝陛下東哲自天增明當極對三靈之體春帝六
 帝之丕圖叙陰陽風雨以成和燭祖考神祇於安樂為國熙洽一
 歸下武之禮文百姓謳歌欣見重華之協帝俯迎誕節大放法筵
 散惠天竺之文上祝南山之真伏願神通十號共扶不換之基壽
 考萬年永據無疆之福

乾隆節道場疏

仁孝二綱幽明所履祈延一意臣子則然幸慈淵聖皇帝陛下伏
 願神德壽考天悅格保儲君歸之所界共備劫以輝章天子無心
 散惠九夷之德周王念國於期八載之歸

乾隆節道場疏

任子淵

聖宋名賢五百家播芳大全文粹卷九十一

釋疏

興龍節道場疏

李樂靜

律當大呂潛通夢日之符月應上弦燦發流虹之瑞篤生真聖克契昌期恭惟皇帝陛下秉哲自天繼明當極對三靈之體眷席六帝之丕圖叙陰陽風雨以成和媚祖考神祇於安樂萬國熙洽一歸下武之繼文百姓謳歌欣見重華之協帝俯迎誕節大啟法筵敢憑天竺之文上祝南山之算伏願神通十號共扶不拔之基壽考萬年永據無疆之福

乾隆節道場疏

仁孝二稱幽明所覆祈延一意臣子則然孝慈淵聖皇帝陛下伏願神聽靖共天從格保閱帝齡之所界共僧劫以難量天子無心縱適九夷之陋周王念國終期八駿之歸

乾龍節開啟疏

任子淵



六位時成爰紀誕彌之慶萬邦作乂嘗蒙覆露之恩先即梵宮肅
陳秘典孝慈淵聖皇帝陛下伏願茂膺神爽申錫夢齡海上瑤霞
亟返咸池之御天邊樓觀重增花萼之輝

乾元節開啟疏

玉歷垂鴻啟千齡之誕序金言滿義倡諸佛之真詮庶嚴最上之
因庸保無疆之祚恭惟皇帝紹天景命持國永圖聲明焯摩闡希
德惠浸于遐末屬乘離之首氣紀鳴社之初期昭文相公史館相
公集賢相公叅政侍郎謨九德之中翊萬幾之會慶儲靈於若水
擬頌聖於華封廣披法藏之文大集祇園之供雨花零座潮梵騰
音覺塵趣之普迷成度門之絕品皇帝願如天之壽如日之升七
寶千重永護玉毫之相衆星北拱長扶紫極之尊相公叅政伏願
與國榮華俾民富壽任常專於柱石功早載於鍾彝然後願霑勝
利於有生浹太和於無外

天寧節功德疏

孫仲益

東武劉氏嘉蔭後宋本校鈔

穆清受命肇興出震之祥歷數在躬茂對卜年之永矧自璇霄而
撫世紹膺鴻號之長生共惟載肅之辰重祝無疆之壽伏願丕承
景祚增錫純禧時乘六龍接統千歲皇天佑于一德克享神休夢
帝與我九齡永為民主

天寧節功德疏

鮑厥正

儲精御極實膺出震之期彌月開祥敢効後天之祝歸依淨境演
譯微言庶憑上乘少報帝力皇帝陛下伏願垂衣而治如日之中
為天下君以幸難逢之會使聖人壽益迓無疆之休

天寧節功德疏

長發其祥紹隆於聖治誕彌厥月襲慶於休辰仰奉至言用形延
祝皇帝陛下伏願鴻圖有永景命惟新占南極之老人有光其應
同西方之壽佛無量斯年

天申節道場疏

執徐肇歲再逢甲觀之祥竺梵宣聲虔啟樞庭之會跪瞻調御恭

祝壽祈伏願申錫無疆聿懷多福靜柝克寧於榆塞包桑永奠於
蘿圖太乙儲祥決靈休於四海禳神錫羨縣景貺於多男

天申節道場疏

蕤賓紀律俄屆長嬴之期華渚流星載遇誕辰之日恭仗竺乾之
侶虔持方廣之文義克謹於在三福可祈于時萬皇帝陛下伏願
赫赫在上穆穆迓衡四圍不聳於煙塵九廟坐安於磐石明良庶
事端合臯陶之歌富壽多男願效華封之祝

興龍節道場疏

信義在躬已協天人之助乾坤莫報更資覺法之因爰屆誕期用
伸至願皇帝陛下伏願憑覺王之外助効臣子之內心如河海之
靜淵與天地而長久

興龍節功德疏

蘇子瞻

上帝垂休真人誕降乾坤合契永為喜慶之辰草本何知舉有欣
榮之意矧惟遭遇獲侍清閑不緣梵釋之因曷致涓埃之効伏願

東武劉氏嘉蔭篋宋本校鈔

皇帝陛下受天之祿如川方增奄有漢唐之封疆倍萬唐虞之壽
考永均介福下及函生

乾元節功德疏

炎精据德有開千載之祥海藏繡文式暢諸天之蘊表崇因於衆
善期輯福於皇圖恭惟皇帝陛下纂祖丕基欽天明命仁恩之厚
寢歌舞於涵生風化之醲率甄陶於殊類屬應期於華渚溥歸祝
於丹宸樞密相公樞密給事樞密侍郎韜經邦之謀履當軸之任
祇園啟會歎有相生之莊嚴靈鷲傳音締無量之功德皇帝伏願
德如天覆明並日升萬玉趨庭長接塗山之會七珍圍座永居沙
界之尊樞密相公太行給事侍郎伏願炳鍾彝之勲陰柱石之寄
輔長世之休業享上天之百祥然後願車書所同霜露所墜共嬉
昭旦咸集殊休

乾元節功德疏

宋子京

夏管凝薰月樞幾望是惟穀旦載育冲人徇歡戴於羣情用題名

於盛節然且上欽列聖仰荷先慈願復眇躬纂承丕歷交欣懷而
罔寘惟正妙之是依用飭先期克嚴普供玉題開宇潮偈宣音庶
歸報於自生兼蒙仁於俾艾清場祇祓大覺照臨

天申節道場疏

鄭民望

流虹飛電幸逢五百歲之期就日望雲願上千萬年之壽月將臨
於穀旦誠敢達於藻章共惟陛下德同乎初心游於淡天高地厚
固繇延有永之基松茂竹苞極悠遠無疆之笑

天申節道場疏

化國日舒以長正薰風之入奏天子父尊之至慶彌月之將臨敬
修最上之乘仰祝無疆之壽共惟陛下受五日一朝之養符三呼
萬歲之祥汗竹南山莫紀聖功之大桑田滄海未傾壽筭之深

聖節道場疏

葛謙白

鳴里社以協祥適冠長羸之候敬法筵而伸悃敢憑調御之慈共
披海藏之文用介河沙之筭孝慈淵聖皇帝伏願三靈孚佑十力

東武劉氏嘉蔭發宋本校鈔

護持造父執鞭還駿珍於漆澤廣成傳道超壽量於空同

乾龍節道場疏

祥標虹渚載逢震夙之辰唄暢魚山將散祝筵之會再衷一衆恭
禱萬年孝慈淵聖皇帝伏願保合太和緝熙純嘏星迴日轉早還
法駕於具茨地久天長永奉宸歡於花萼

聖節道場疏

鄭厚

誕彌厥月開虹流電掃之祥於萬斯年獻地久天長之祝仰憑願
力同贊耆齡皇帝陛下伏願莫歷長新蘿圖益固修文偃武兼綏
夷夏之民拱手垂裳永作神明之主

承天節道場疏

李樂靜

妙覺能仁出現於大千世界深慈救物宣說於十二部經形悲智
以晤羣生示辯才而持正法龍宮海藏爰秘於金文東夏南闔式
傳於像教所以植衆德之本結淨土之緣趨三寶以皈依發一念
而迴向六時讚唄克成上善之因四事恭勤用廣有為之福伏願

皇帝金輪益固玉葉彌芳體大德以茫民推至仁而御宇深信內典入不二之門安住佛乘享無疆之壽永保後天之筭長為諸夏之尊然後願寓縣承平類四禪之清淨朝野多慶蒙百福之莊嚴止戈載洽於昌期拂石莫量於浩劫凡居法界盡證菩提

承天節道場疏

六通應供從兜率以降生三藏契經假貝多而流布所以作羣迷之歸救述大事之因緣自夢叶於金人始俗傳於像教香花四事式重於焚修鍾梵六時聿嚴於齋供爰植無邊之福用成眾善之因伏願皇帝位等金輪功周妙界道齊千佛澤被四生邊陲載載於五兵府庫常盈於七寶御世比能仁之福統天同大梵之尊八部歸依六戎款附華封祝聖克隆萬壽之期震旦興王永護一乘之法然後願朝野多慶興禮樂於三雍寓縣無虞息煙塵於四鄙載洽淳熙之化同躋富庶之鄉凡在含靈並登正覺

乾龍節道場疏

汪彥章

東武劉氏嘉蔭後宋本校鈔

祥開甲觀將臨震夙之期會啟樞庭預慶延鴻之祝諷三乘之密記演九籥之真科恪傾寸誠懋祈景貺皇帝陛下伏願與天無極如日之升懽聲長決於東朝妖祲永消於北女九功惟叙斂五福以錫民萬歲成純奉三無而勞下

天申節道場疏

篤生元聖天申命而用休虔祝萬年臣歸美以報上廣延開士恭締法筵庶憑諷唄之勤式薦龐鴻之祉皇帝陛下伏願景命有僕受福無疆常陳泰階之六符不用天山之三箭何知帝力永聽康衢之謠請壽聖人長享華封之祝

興龍節功德疏

汪彥章

璇歷儲休夙啟千齡之運絲囊紀節爰均萬國之歡雖遙汾水之遊敢後華封之祝共惟皇帝陛下性率恭儉德兼武文自傳序於祖宗即軫憂於宵旰力收羣策銷禍變之胚胎躬蹈危機拯生靈於塗炭方人心之愛戴忽天步之艱難左袒雖堅北轅莫駐適遇

流虹之節尤深向日之誠是仗勝因仰資鴻筭伏願皇帝陛下顯膺景命光復丕圖脫陽九非常之災享大千無量之福瑤池宴畢御八景以遙歸羨里書成用六爻而致治

乾龍節功德疏

鄭厚

金風雖長火德未衰序協正陽運符元后宸庭稱壽義方篤於呼三帳殿蒙塵厄尚淹於陽九曰士曰庶且喜且悲藉佛力之無邊贊皇圖之有永三光復彩翠華旋沙漠之征萬國同聲香火副華封之祝

乾元節滿散疏

若水開祥契上聖千年之運祇園修供資能仁衆善之因恭憑無量之福田仰祝延鴻之睿筭伏惟皇帝陛下體元行健累洽重熙荷靈命之眷懷迪先謨之懿鑠照德而誕膺純錫敷文而交舉上儀在璿克集於歲功鳴社爰臨於誕節萬邦咸乂九叙惟歌某官翊亮天工協宣皇極率厲同寅之至克申順美之誠當華渚之令

東武劉氏嘉蔭篋宋本校鈔

辰獻堯封之善祝躬趨寶刹特敬淨筵四事香花羅寶階於梵率六時鐘呗演梵唱於魚山繫勝果之圓成佑鴻基於悠久皇帝伏願宸居樂豫壽域歡康固守位於金輪齊卜年於沙劫法雲溥蔭將德澤以長周慧日揚輝等皇明而久照某官伏願茂膺戩福益顯嘉庸彌宣調鼎之勳上贊垂裳之治然後願寵均朝著恩浸寰區官師咸罄於忠規黎獻並躋於富庶大邑瀛表細及昆歧仰沐加持同茲饒益

天申節道場疏

祥開甲觀恭逢震夙之辰會啟祇園共獻延鴻之祝設伊蒲之淨供繡貝葉之真詮庶仗誠忱式資孚佑皇帝陛下伏願赫赫在上穆穆迓衡則百斯男繇支本而有永宅三有後輔宗祏於無疆

天申節道場疏

五百年而有作天開甲觀之祥三萬歲以成純人效華封之祝輒款淨宇恭締法筵庶仗齋薰仰祈昌熾皇帝陛下伏願三神孚佑

四海會同邊廷無振析之虞寰宇叶維魚之夢既多受祉享穰穰
簡簡之繁則百斯男鍾蟄蟄繩繩之慶

聖節道場疏

流虹輝渚感聖緒於昌期貝葉翻文輯覺緣於衆妙敢資法力上
薦皇休皇帝伏願光御帝符長綏邦祚恩若慈雲之履德如慧日
之升萬善觀心已會祇園之果千齡祝聖更同嵩嶽之呼

會慶節道場疏

蘭殿儲祥慶千齡之會祇園薦祉罄萬國之歡伏願皇帝大寶齊
斗極之高丕基侔磐石之固汗南山之竹紀莫大之功勲閱東海
之桑介無疆之壽福

天申節道場疏

火德運而啟造周興王之業夏日至而肇生商立子之符草偃舜
風葵頌堯日伏願福祿之盛如川方增功德之隆與天無極車同
萬里陪西池阿母之游統接千齡應南極老人之瑞

東武劉氏嘉蔭後宋本校鈔

天申節道場疏

火流周屋而肇興王之迹風入舜弦以開受命之祥王坐傳觴千
官列侍寶坊脩供萬德同音伏願追五帝之高蹤邁三王之遐躅
降年有永見黃河千里一曲之清受祿無疆聽嵩嶽萬歲三呼之
祝

天申節道場疏

星火開祥當聖神誕毓之旦寶坊延祉罄臣子虔祝之心共惟光
堯壽聖太上皇帝陛下道法自然心遊邃古藏雷聲於淵默順帝
則於希夷伏願日新又新既朔復朔超大椿八千之筭爰久視以
長生符靈芝三萬之期配高明而博厚

乾元節功德疏

王望之

天佑祖宗之仁克肖其德世錫聖神之嗣全付有家應交泰之享
期屬純乾之令月仰憑佛力上祝堯年共惟皇帝陛下性自聰明
德惟恭儉雖狂虜之外侮寔大運之中興伏願睿智有臨干戈載

戢鬼方遠遁克不待於三年崧嶽懽呼聲屢聞於萬歲

天申節道場疏

祥開甲觀天申命而用休壽祝南山臣歸美以報上廣裒梵侶恭
締法筵輒申髦髦之誠用禱穰穰之福皇帝陛下伏願與天無極
如日之升三邊無飲馬之虞四海有夢魚之樂聲傳萬歲永符嵩
嶽之呼慶浹多男願効華封之祝

天申節道場疏

禱祠飛乙既諧弓韞之祥華渚流虹允協電樞之慶恭逢華旦申
祝壽祺皇帝陛下伏願受福無疆降年有永康衢擊壤咸臻奠枕
之安邊圉橐弓永享垂裳之治

天寧節功德疏

祝咨謀

月紀應鍾允屬昌明之運星流華渚篤生神聖之君豫啟秘庭增
延淨侶仰企紫霄之御恭披玉笈之文伏願皇帝陛下命與天長
業同地廣擁三靈之密祐斂五福以敷施一人慶而萬國咸欣百

東武劉氏嘉蔭移宋本校鈔

和焚而列真洞鑒躬聞至道獨高皇帝之風富有昌齡願効封人
之祝

天寧節道場疏

王望之

清河九曲允彰北聖之符靈嶽三呼實表歷年之命爰即神明之
宇具嚴道德之文庶假勝因益崇睿筭伏惟皇帝陛下至仁天縱
盛德日新大安大榮福等岡陵之固時邁時億壽齊箕翼之長下
及含生共均休祉

天申節道場疏

孫仲益

炎正肇卜年之永朱明紀彌月之祥凡我有生舉同是日俯申洪
願仰叩真乘伏願繼明如日之升立極配天之大獻華封人之善
祝齊南山壽之不騫集阿蘭若之妙因等西方佛之無量

天申節祝香疏

赤伏題五德之期皇業紹千齡之統日從北至偕化國之長風自
南來供楚臺之快盍申善禱用扣真乘伏願光堯壽聖太上皇帝

陛下名高寶地千佛之經位冠玉京羣帝之首按八龍轡而揖金
母於瑤池之上駕五雲車而摩銅人於霸城之東方期汗漫之遊
又見蓬萊之請

乾龍節道場疏

李伯時

候正六陽羣目仰虹流之慶期先一月庶工紛鼈杵之儀茂蘭上
帝之心敷聽輿人之誦共惟皇帝陛下聖猷天縱威令風行主鬯
青宮剛乘一索之震握符紫極明開兩作之離亶為有道之曾孫
宜享無疆之大歷肆披藻笈祇贊蘿圖綿三萬里之唐封用宏茲
賁過七百年之周卜永孚于休

天寧節功德疏

李伯靜

天幹三辰歲分六甲水生一而利萬物土居中而行四時屬陰陽
泰合之期為仁聖本元之日是用即琳宮之福地啟金籙之秘文
有德者昌宜神靈之交相歸報於上乃臣子之至情伏望上帝鑒
觀衆真感格護太清之高拱擁多福以來宗三百六旬每周流而

東武劉氏嘉蔭發宋本校鈔

不息千萬億歲當永保於無窮

乾龍節道場疏

律中蕤賓時方盛於火德虹流華渚天復生於聖人敢頌有截之
心仰祝無疆之祉集六和之開士翻五竺之秘文虔仗佛乘延鴻
壽奠伏願皇帝陛下孝友光於虞舜聖神叶乎帝堯文德誕敷坐
致兵戈之偃息聲教四暨更看車書之混同永與含生共躋聖域

會慶節道場疏

孫仲益

堯寢儲休瑞玉紀生商之候宰祠錫羨猗蘭開昨漢之祥凡在照
臨舉同慶賴伏願弓橐戈戢粟腐錢流驗泰階六符之平界彝倫
九疇之叙農桑三萬里而永燕蘿圖之固春秋八千歲而允符椿
壽之長

聖節功德疏

黃魯直

電影旋樞瑞氣普蟠於穹壤葵心向日頌聲播溢於華戎躬詣寶
坊廣延緇侶致上方香積之饌闕西竺貝多之文罄竭愚衷崇修

法供伏願今皇帝陛下睿圖鞏固宸筭增隆日月無私煥天明於萬國椿松共茂班寶鑑於千秋臣無任

後苑同天節道德疏

王岐公

皇運當天享壽元之大奉正陽表朔紀載誕之殊祥即翠苑以敷筵諷金文之滿義實資勝福永祚昌期

聖節道場疏

鄭厚

惟天為大均蒙覆育之恩如日之升咸慶誕彌之節恭依道梵仰祝帝齡伏願皇帝陛下齊久二儀並明兩耀申中及外第申百福之章式舞且歌長奉千秋之燕

天申節道場疏

承承繼繼愔負嘉長發之祥鬱鬱葱蔥龍虎擁會稽之氣式時欽致厥月誕彌斂敷佑於帝齡宜欽依於佛力一人有慶四海無虞澄紫邏之妖氛復黃圖之仙仗乾坤再造續綿歷而日新日日新臣庶交權撫宏休於萬歲萬萬歲

東武劉氏嘉蔭後宋本校鈔

天申節道場疏

日離東井欣逢載夙之辰龍啟昆陽高啟中興之祚篤皇家之再造僕景命之萬年注倚能仁維持熙運商邱膺籙契靈武之昌期吳會揚輝溢春陵之嘉氣慶為民賁壽與天齊

乾龍節道場疏

葛謙白

乘乾載誕節復屆於吹銅宣梵乞靈福每資於緒貝敢列齋薰之品用伸悃悃之誠孝慈淵聖皇帝伏願何福不除其寧惟永配盤古綿延之數參萬歲以成純挺金剛堅固之身同三光而不老

天申節啟建道場疏

林豈塵

景回北極慶流虹統電之祥壽祝南山傾就日望雲之衆共惟光堯壽聖太上皇帝道存澹泊妙契希夷付黃屋於非心詒燕謀於翼子雖宥天下不治天下因已仰成然嘻聖人請祝聖人可無歸報况值誕彌之月仰憑高上之慈伏願百祿是適五兵不試想聞中岳沸傳三呼萬歲之聲難老後天長享五日一朝之制

天申節滿散疏

不為天下先默定老聃之道請祝聖人壽難忘堯帝之仁恭即璇宮仰祈睿筭共惟 皇帝陛下太上貴德神人無功付黃屋於非心享玉卮之為壽矧值流虹之月共頌戴日之心伏願受福無疆景命有僕十四月而生帝已際昌辰八千歲以為春莫窮神笑

聖節道場疏

紫電流輝慶一千年之嘉會紺宮禱福啟三十日之妙緣用資北闕之昌期爰賴西乾之惠力恭惟 皇帝陛下欽承禹道克廣文聲睿智有臨履至尊而制六合神武不殺惠中國以綏四方共著顯榮自貽哲命茂迎令節祇歎慈容佛日當中請祝聖人之壽堯雲在上對揚天子之休

天申節道場疏

韓 駒

職在禁途雖有愛君之意身居祠館實無報國之方惟冀覺慈俯從忱悃 皇帝陛下伏願壽躋時億光昭大千拱手垂衣永御浚

東武劉氏嘉蔭籙宋本校鈔

都之宮殿投戈散甲盡朝沙漠之戎羌更推諸福之餘下逮四方之遠

聖節功德疏

繞樞布瑞肇開萬世之祥流渚呈輝允協千齡之運將臨令節回向真乘潔蒲塞之珍羞演金僊之奧典冀憑梵力庶獲妙因伏願皇帝陛下聖壽無疆遠比南山之永蘿圖益固常齊北極之尊

聖節滿散疏

皇皇后帝佑下民而作之君勉我王有大德而得其壽按瓊笈銀題之數延鳳姿日表之年恭惟 皇帝陛下乃聖乃神克明克類體堯蹈舜而立綽綽然有餘裕哉降周迄孔以來皞皞乎不可尚已當乾健龍飛之會實革孚虎變之辰恪詹北極之尊共效南山之祝景命有僕方父先而子從受福無疆固天長而地久

聖節開啟疏

張楷仲

寶曆會昌颺輪降格闡洪猷於億載錫純嘏於綿區惟上帝之顧

懷眷大君之欽翼爰崇令節式紀殊休啟兜率之祇園結如來之妙果仰憑正覺聿奉成因陳十地之香花會五天之龍象 皇帝伏願金輪演花玉燭宣和堯齡永固於南山禹會常趨於北闕

聖節滿散疏

帝出乎震顯逢千載之期道兼於天丕格三靈之眷舉彝儀於蘭若紛善頌以葵頌共惟 皇帝陛下齊聖廣淵剛健篤實恢張政紀用奉若於先王褒對神休俾緝熙於純嘏方御乾龍之居上永享豐熙以宜中申衍遐齡寅資定力受命不殆蓋將以天地為常與物皆昌豈特若松柏之茂

會慶節啟建道場疏

林豈塵

天佑民而作之君慶誕彌於良月臣歸美以報其上繼善頌於封人敢伸一介之誠願祝大椿之壽共惟 皇帝陛下道參羲昊德配乾坤執虞舜之兩端躬武王之達孝坐撫中熙之運肇開長發之祥臣等謹叩高真仰祈遐奠伏願後世難老永符萬歲之呼如

東武劉氏嘉蔭發宋本校鈔

日之升長對千秋之節

會慶節滿散道場疏

虹流電繞肇基長發之祥地闢天開大啟中興之業仰祝龐鴻之祚輒伸蝼蟻之誠共惟 皇帝陛下孝通神明道參覆載會文武父子而處慶堯舜歷數之傳臣等謹詣琳宮虔修雲笈伏願壽齊箕翼業等山河漢室重光增授泰元之策周家過歷永古郊廓之龜

天申節功德疏

任子淵

接千齡之正統為天下君傾四海之歡心使聖人壽敢因盛旦祇奉真乘庶憑梵釋之因少効涓埃之報 皇帝陛下伏願順帝之則先天不違受祿無疆如大川之方至降年有永配南極以彌光

天申節功德疏

鄭明舉

為天下王允屬守成之運使聖人壽溥騰歸美之歡寸葉頌陽瀆流宗海熏妙因於有慶繇睿筭於無疆恭惟 皇帝陛下叙功覺

民績志敷極文思格於上下孝悌通於神明集命應期發祥標旦
萬物覩而咸遂四方賀以交欣伏願日升月常同照臨於不息天
長地久並覆載於自然

天申節道場疏

韓子蒼

聖神臨御得率土之驩心梵釋興慈副羣生之願力敢憑聖果助
祝蕃釐伏願 皇帝陛下壽與天崇福踰地厚時乘大路肅迎二
帝之歸奄治中區永受百蠻之貢玉圖益固庶物均安

天申節道場疏

鄭明舉

生德猗蘭符上天之景命翻文貝葉資秘洞之靈科庸竭微誠仰
申善頌共惟 陛下伏願道泰化育德協古初罄億兆民之心齊
上華封人之祝享千萬歲之壽長為天子父之尊

天申節道場疏

星樞感聖慶符休運之期海藏翻經欽奉真乘之教蘄同率土仰
祝後天共惟 陛下伏願穆若無為超然高蹈祥開穀旦篤周祜

東武劉氏嘉蔭篋宋本校鈔

於萬年慶衍羅圖燕商孫於百世

天申節功德疏

汪彥章

甲觀開祥方嗣無疆之歷梵宮營福或憑大覺之慈載逢彌月之
辰咸罄後天之祝 皇帝陛下伏願紹恢大業永御玉圖緜帝力
以常新齊佛壽之無量卜年過歷方同周室之興致治以仁遠邁
堯齡之永

乾龍節功德疏

真主應期鍾正月純陽之氣羣臣歸美祝後天難老之祥方清蹕
之在行宜神明之加護爰即金仙之館共繙貝葉之文伏願 皇
帝陛下善保清躬少須休運興衰城之衆馭亟問迷津取赤水之
遺珠再臨大寶

聖節道場疏

張嵇仲

鳴社告符流虹布瑞啟太平之景運開上聖之殊祥式在嘉辰宜
形善頌即金僊之寶刹探貝葉之真詮庶憑西土之勝因仰祝南

山之睿筭伏願 皇帝陛下丕圖增永寶祚無窮邁成周過歷之
期叶夢帝與齡之兆一人有慶罄海寓以咸歡萬壽無疆與宗祧
而共久

聖節道場疏

宋子京

薰風協序寶月向盈記祥虹華電之期著金鑑露囊之盛虔趨福
地大啟真筵罄朝野之歡忻集人天之瑞福共以 皇帝陛下茂
膺瑞命祗紹凝圖待旦垂裳冒洪禧於海域彌旬舞羽偃師節於
方陲順履佳辰夙標聖旦旅貢琛而展慶粲鄰玉以伸歡某官衰
贊大猷翊宣至化欣誕彌之嘉節集景貺於羣倫哀對梵仙宣揚
秘典光闡佛乘之最上迎天美之遐伏願 皇帝湯德逾新堯文
增煥九河開奠五緯循纏綿周億載之期長奉萬年之慶鋪昭惠
命永庇含生某官伏願穆景三階凝和九鼎並翊帝猷之亮交隆
國棟之華然後願鳴玉翠鞋藹藹贊清寧之運游童逸老熙熙樂
仁壽之場

東武劉氏嘉隆發宋本校鈔

聖節滿散疏

國家寶祚縣長洪基丕固惟正陽幾望之旦乃元后克生之辰列
辟投誠百齡薦祉延梵宮之開士集淨會之良因上奉至慈永臻
純嘏帝圖累盛益隆百順之祥睿筭無疆共罄萬年之頌傾虔懇
祝倍萬常均

天申節功德疏

劉夷叔

嵩呼萬歲聲聞者三河出九疇饗用曰五異吾君之必壽誠品彙
之至情茂對圓穹式敷淨供 皇帝陛下伏願授天增策彌我不
基負黼宸而朝諸侯下江海以王百谷家人上壽永瞻長樂之慈
顏鄰國交歡無復甘泉之屯騎

聖節開啟疏

汪彥章

炎帝執衡允協中興之運昊天申命誕開長發之祥罄萬宇以傾
心望九重而伸祝矧叨禁從敢後封人 皇帝陛下伏願萬福來
求五兵不用河如帶而山如礪盡復漢江天為蓋而地為輿永居

宸極

天申節功德疏

劉夷叔

東方有佛昧者不知東面垂衣於此即是救百萬生靈已迫之命
豈一二筭數可知其功敢因休辰輒論聖筭 皇帝陛下伏願雲
仍姬妣之國蟻蠊彭聃之年心廣體胖豈待數數而致福天長地
久自然蕩蕩以難名更推六氣之和用集百嘉之慶

聖節道場疏

林光塵

四月維夏千齡開炎歷之祥一人出真萬國仰電樞之慶肅涓梵
宇虔命緇流課竺土之秘文効華封之遠祝伏願 皇帝陛下神
功獨宰聖德日躋泰道方開早回鑿於西極夢齡永錫長比筭於
南山

太皇太后生辰功德疏

王岐公

純坤紀月屬慶誕之嘉辰五竺繡文起真乘之上福敢歸虔於淨
用助教廣於勝緣 太皇太后伏願萬壽天隆百禔雲布陰功助

東武劉氏嘉蔭錄宋本校鈔

化常扶邦祚之安徽德流音永播工詩之首

皇太后生辰功德疏

金行肅氣適標載誕之期玉相分毫能現無方之化虔敷梵席廣
繹貝文庶憑最上之緣以續無疆之筭 皇太后伏願等法輪之
固同慧日之升海藏騰音已集祇園之果仙花覆坐永居長樂之
尊

皇太后生辰功德疏

相慈之厚方致養以盡誠慧力之通皆應緣而起福紀誕祥之嘉
序開梵席於禁楹大錫壽祺永歸覺利

皇太后生辰功德疏

長律首宮微陽施種爰啟玉衣之瑞有昭彤管之徽象寶供於龍
華妙發音於猊坐庶導續齡之祉永經同體之符

皇后生辰功德疏

歐陽永叔

坤德流微式臨於誕日貝文宣妙恭仰於臣慈載嚴秘邃之庭駢

集清修之侶異資福壽時啟靈場伏願毫相分光法雲假廕憑茲
勝利永保遐齡

皇太后生辰功德疏

爰日臨郊應帝衡之初序祥雲覆戶鍾母道於昌期預被禁楹具
嚴寶供終仰大慈之教當垂外護之仁

皇后生辰功德疏

塗山啟夏邦家必本於閨門封人祝堯臣子各分其忠孝敢因慶
旦恭演秘函憑最上之妙因祈無疆之遐美 皇后陛下伏願降
年有永如月之明承天而特行懋著徽柔之德眉壽無有害永光
熙洽之朝

聖宋名賢五百家播芳大全文粹卷九十一終

東武劉氏嘉蔭發宋本校鈔

聖宋名賢五百家播芳大全文粹卷九十二

南郊相國寺開啟祈恩道場疏

王岐公

諏辰長至脩報上圓因三歲以薦誠盡九州之助祭仰企覺慈之
蔭善成涵識之因密相鉅儀來綏百順

南郊相國寺開啟祈恩道場疏

肇膺邦緒薦習歲祥適用天正之辰以脩郊見之事仰大慈之能
力濟萬識於有緣協底丕成均錫羣祉

南郊開啟祈恩道場疏

蔡君謨

奠玉紫壇虔修於大報布金紺宇特仰於能仁用集妙因時嚴法
供 皇帝陛下與天均覆維日並明運神化以無方置幅員之安
處甫臨至節專講上儀就吉位以薦誠霈渙恩而澤下有來清侶
敷誦秘文式敕殊緣冥資熙事伏願五神協序百福凝祥永隆久
大之基益固延鴻之美

南郊禮畢齋疏

宋子京

冬物告成因享親而達孝神釐來既既均慶之以時惟盛禮之弗
違荷巨慈之旁祐即靈場而申報莫冥鑒之孔昭薦此神明期於
福應

明堂預告泗州普照明覺大師道場疏

王岐公

國家躬三歲之祠會五精之氣因嚴以教人之孝反始以為民之
祈瞻勝迹之有來濟能仁之無盡告誠先事垂保後祥

明堂禮成開啟謝在京諸廟道場疏

考古事帝感時念親迄于告成亶弗違禮歸大慈而締果答幽監
之助祥有託至誠更孚來應

太皇太后景靈宮祈福道場疏

蘓子瞻

人心浹物自然憂樂之同孝治格天宜示感通之速庶殫精懇仰
叩上真恭以 太皇太后陛下保佑聖神勤勞夙夜偶眷東朝之
御未復太官之常爰即殊庭大陳妙供法音上達雖有假於雲章
民志下同自不勞於秘祝願膺勿藥之喜永保無疆之休

東武劉氏嘉蔭篋宋本校鈔

太后穰災疏

唐子西

比以坤慈愆於日嗇雖宮闈之茂慶神所扶持然方技之未工心
焉飢渴敢輸至懇仰叩能仁莫乘慧力之雄永保徽音之固及親
桑之令序膺勿藥之殊休

公主穰災疏

宋子京

竺聖流仁神華介祐顧惟孺婉頗厚慈憐雖姆媵之謹承加椒闈
之勤復屬茲歆蘊尤慎保願已詔寶坊恭陳法席金言徧釋花緘
旒臻莫惠命之廣敷續壽祥之綿熾仰惟靈照垂亮精衷

龍圖天章寶文閣開啟年交道場疏

王岐公

寒布水行識歲功之畢就和生玉律迎天序之將新顧承皇極之
尊歸奉大慈之教肅西清之秘宇諷天竺之靈文幾緣勝事之修
溥下慈祥之應

年交祝聖道場疏

還相之律甫畢於歲功普覆之仁仰依於霄蔭矧嶽靈之下底居

都會之上游爰建清場聿申精意玉書金簡交罄誦持桂旨蘭馨
第勤脩薦願綏寶祚庸及生民

集賢殿正旦道場疏

孫夢得

月就初次星移故躔萬物勾萌百嘉擁集載嚴梵事爰肅宸庭參
諷秘言仰祈真監祓咎映於率土蕃禧福於生民惟法是依與時
而永

慶寧宮保夏道場疏

王岐公

時迎仲夏功秩南訛太陽赫曦而流空盛氣煩鬱而被物肅啟禁
楹之會歸崇物果之修庶格至虔以導嘉祉

集英殿保夏道場疏

炎煒御辰煩暑被物迺肅秘殿以崇梵筵披白媽之真文體青蓮
之妙相仰憑法力丕擁善祥下逮函生畢霑勝果

翰林院開啟冬節道場疏

王岐公

歲功就緒天繞復元夙嚴省戶之司具法祇園之供梵音振席慧

東武劉氏嘉蔭發宋本校鈔

景延空庶迎嘉序之新常獲善因之助

內中延福宮開啟祈福道場疏

顧以眇躬嗣于丕御念萬幾之叢睦懼五事之失中緬企正覺之
乘會歸妙智之力庶緣勝利永輔皇休

禁中祠下集福道場疏

孫夢得

至神惟默下土是依矧惟靈祠實寓禁宇當清和之標序屬煩燠
之啟期時建清場誕揚真誥伏願祓除災咎延萃告休普使羣生
並歸密蔭

垂拱紫辰兩殿祈福道場疏

王岐公

歲律凋陰春郊叢御念繼明於皇序思殖福於延生玉殿敷筵金
文諷義庶妙乘於佛果庸丕輯於邦休

寶相院為民祈福道場疏

氣肅西方畢收羣彙教流震旦有覺能仁體妙相之垂毫緒諦文
之滿義顧承休於丕緒願霑福於函生永念至心普依惠果

為國祈祥華嚴齋疏

邵公濟

遇災而懼法固許於祈禳求福不回禮實存於禋祀頃以邊隅之
俶擾致茲民堵之震驚冀上帝之寵於四方俾治國之生於百樂
惟有佛乘之妙力能消劫運之妖災况十二部經莫重華嚴之大
典而三千世界載於香水之淨輪按前哲之軌儀陳此時之供獻
上以延鴻國家之景祐下以增崇鄉黨之多祥人各保於安寧家
悉臻於吉慶共惟普賢菩薩之行願種種莊嚴毗盧如來之光明
重重涉入奉少花少香者悉同九會河沙之眾預一瞻一禮者如
在七寶樓閣之中願力普薰善心昭格伏願聰明元后益陰翠固
之丕圖陰隲下民各保懋遷之常產戢干戈而橐弓矢說禮樂而
敦詩書蠻夷率從中外禔福

龍圖天章閣開啟祈皇子催生道場疏

炎律布生靈稌占慶啟梵筵之妙供披寶藏之諦文聽法下於諸
天傳香零於四座願慈悲之慧力導因報於真期丕序早隆至心

東武劉氏嘉蔭篋宋本校鈔

永嚮

寶生院開啟祈皇子催生道場疏

夙以瑣德獲纂厥成永惟元儲尚虛所屬維黃金之滿界有白玉
之垂毫仰諦妙緣普歸法力庶承休於大統畢濟望於羣生

福壽院塔下開啟祈皇子催生道場疏

守邦之重久託於皇居主器之良未開於東學維華御之初集固
羣靈之所扶肅啟淨場諦修妙果惟願寶光臨燭法力護持早承
宗祐之基永濟生靈之望

皇子位畢開啟安慰道場疏

西慈濟世本資助善之因東學敬宮適導詒謀之慶啟妙筵於邃
宇演密藏之真文具仗法乘永綏勝福

慶土開啟安慰道場疏

蘓子瞻

揆日灼龜既鼎新於改造伐材度土遂雲集以經營丁丁而勇於
運斤橐橐而勞於縮版雖不經於眾口慮有取於神恫幸銷覆壓

之虞允獲濟寧之願原其所賜敢昧於神是用命海角之維那資
大雄之妙蔭宣此五福之教慶乎百堵之成伏願天雨千花薰太
和於一切佛塵萬墨精遐福於無邊百穀豐登羣生怙泰上祝河
沙之聖壽永瞻惠日之祥光輒罄誠心庶祈靈鑒

百神有相致大厦之斯成一國觀新潔盛儀而圖報因命祇園之
侶廣宣貝竺之文音勇海潮花紛天雨今則誠心已格妙果斯圓
祈法力之有加保皇圖而永固物無疵癘民用平康仰惟在上之
尊垂鑒由中之信

奉宸庫修造開啟道場疏

御府所頒珍奇素積禁楹之橈風雨多傷適緣役事之興特啟法
乘之會庶資妙力允集多祥

越國公主宅畢工開啟安慰道場疏

竺筵締果廣福利於法門魯館降嬪鍾愛慈於皇室涓臨嘉序就
被邃楹作清淨之道場禮光明之妙相庶憑慧力常擁嘉休

東武劉氏嘉蔭後宋本校鈔

紫宸宮開啟祈雨道場疏

淑律過中驕陽作沴嚮歸慈於梵席靳濟望於農疇而密雲雖興
膏澤未應念歲事之如灼被宸塗而載嚴尚冀至心之通終垂能
仁之助

紫宸殿開啟謝雨道場疏

驕陽作沴甘澤愆時爰被禁宸載崇梵席蒙應如答降滋及期仰
信覺慈庸申美報

集英殿開啟祈雨道場疏

自春涉夏陰陽鬱并雨弗降滋至於害歲嗣膺丕統焦勞如焚有
覺大慈力隨普應

集英殿開啟謝雨道場疏

驕陽作沴潤澤愆期爰被禁塗夙崇梵會至誠如答不日榮滋歸
信能仁用虔美報

集英殿開啟祈雨道場疏

方夏長物雨弗降滋嘉種用傷歲時安仰乃被秘殿歸崇妙緣庶
興能仁徧澤羣生

九龍堂開啟謝雨道場疏

興雲上漢神化莫形油然垂陰膏潤萬物潮音振坐大啟法筵締
果謝成益期豐稔

西京無畏三藏前開啟祈雨道場疏

方春東作雨弗降滋歲事將虧羣心如灼大慈濟物應現無方油
然興雲以澤萬物

西京無畏三藏前開啟謝雨道場疏

春陽陽并時雨愆亢夙祈慈力善濟函生俄天澤之應期實邦祇
之慰望爰憑妙果庶答靈休

集英殿開啟祈雨道場疏

驕陽薄陰秋氣未附密雲留雨農疇靡滋結秘法於靈場假能仁
於博界默回嘉應大澤羣元

東武劉氏嘉蔭發宋本校鈔

集英殿開啟祈晴道場疏

方秋之中淫雨暴至害於嘉穀民咨無聊顧守邦圖內懷惓結歸
信覺力轉沴為祥

泗洲普照前開啟祈雨道場疏

春夏之交雨不時降宿麥將瘁民咨無聊顧守邦圖永思厥咎大
慈濟物通於至誠弭沴為祥期布嘉澤

相國寺開啟祈晴道場疏

夏秋之交淫雨作沴廬舍昏墊下民無聊大覺無方應現起福消
伏陰晦以導嘉祥

西京三藏前開啟祈雨道場疏

秋氣以肅亢陽薄陰槁木盈疇民望如灼大慈覺世通於至誠油
然興雲徧澤嘉植

相國寺開啟祈晴道場疏

仲秋屆節暴雨為災蒙慧力之溥通感沴陰之旋釋言念有生之

夥率繁能覺之仁維厲至誠用酬嘉應

集英殿開啟祈雨道場疏

秋籥適中天未降澤農疇皆槁民將遇饑敢載袂於禁楹庸嗣膺於梵席終蘄惠力溥濟含生

集英殿開啟祈晴道場疏

秋氣方中積陰肆沴天降淫雨害於棗盛民之無聊愁困於下顧纂丕序疚心靡寧歸信覺慈幾獲善應

左右廂為民祈晴道場疏

積陰為沴泝水非常憫近甸之無年懼下民之失職仄躬省咎蠲慮至精終歸大覺之慈永保函生之乂

集英殿開啟祈雪道場疏

大冬薄歲溫氣乘陰竊循天沴之來專倣君臨之失仄躬是懼終食靡寧載祗袂於靈場庶妙施於惠力早變同雲之族終凝密霰之祥

東武劉氏嘉蔭發宋本校鈔

宣祖忌辰道場疏

王岐公

神功被世實開帝運之基法御賓天須仗佛因之薦 宣祖皇帝勃興景烈垂裕燕謀導積累之深仁濟艱難之大業訓猷雖邈靈眷如存 今皇帝紹宅休期追先憲陳常於夏於念斯文之功荷天之休永崇長發之禘載感諱辰之奉夙嚴梵供之脩 宣祖皇帝伏願受記真乘疑神寶坐灑甘露於法界燭慧登於迷途 今皇帝伏願壽擬金輪福齊沙劫席皇圖之綿固納美俗於熙寧然後願鼎路同寅歲藩一德上屬雲天之會下窮海寓之幽凡暨函生普霑勝力

順祖忌辰道場疏

楊大年

幽風流頌陳王業之艱難梵澤垂文降福祥之孚佑諱辰甫及妙果宜憑伏惟 順祖惠元皇帝蘊上聖之資累元功之茂詒孫謀而及遠啟天命之來符 今皇帝奉清明之宮薦馨香之德敬仁祠之淨土翻文佛之秘詮 順祖惠元皇帝伏願寂並真游高臨

覺地集祥綿緒敷嚮羣倫 今皇帝伏願鴻算後天至慈冒世萬
寓臻於朴厚四極格於會同然後願台輔協恭宗圖繁衍日星順
夫軌道黍稷滋於有年舉是含生悉登壽域

僖祖忌辰道場疏

李樂靜

積行累功肇啟千齡之運報本反始莫窮萬世之恩方諱日之俯
臨憑妙緣之上薦惟願證一乘法離六欲天挹仙聖於九清御神
靈於四海本支相續與蒼藟以長榮社稷愈安如須彌而不動

太祖忌辰道場疏

漢業開基夙契當天之運軒遊乘景載臨猷代之辰預即仁祠大
脩法供起神寶界自離五翳之根垂裕皇圖更衍千齡之慶

太祖忌辰道場疏

受命開基肇應列精之運奉先追孝聿崇覺力之因爰屬諱辰大
脩法會具嚴蒲塞之供徧釋貝多之文庶集勝緣仰資升濟

太祖忌辰道場疏

歐陽永修

東武劉氏嘉蔭錄宋本校鈔

受命開先肇基興運昭祖功而丕顯綿寶祚於無疆用深追遠之
誠式奉明齊之薦載嚴淨刹以集善因伏願覺力常資威靈如在
延鴻宗祏集慶妙冲庶邦咸被於餘休品物共均於博愛

太宗忌辰道場疏

盛烈當天基皇圖於億載大雄濟世殖善利於羣生屬載歷於諱
辰用大脩於法供庶嚴勝果益尊厚祥

太宗忌辰道場疏

歐陽永叔

紹百王而開統昭著於祖功植衆善之妙因爰憑於覺力循友邦
之舊典稽諱日以先期載肅齋場並延淨侶瞻玉毫之具相誦貝
牒之靈文仰依慈惠之仁遐薦清真之馭庶資冥福式廣孝思

太宗忌辰道場疏

李樂清

繼志圖功廣規模於萬世興文偃武混夷夏於一區流澤被乎子
孫餘烈昭於天地百神幽贊四海永懷載更厭御之辰肅展事存
之禮敢憑妙果仰薦真遊伏願超最上乘作無量福皇家繼緒如

吐於千花法界含生長霑於一雨

太宗忌辰道場疏

楊大年

至大之德列原廟以推尊無量之仁依覺皇而薦祐 太宗皇帝
恩淪四外運紹再傳化治之光在人昌明之慶垂後 今皇帝永
思先烈濬發精誠有來淨行之流聿修秘藏之妙 太宗皇帝起
游真界廣覆羣靈慧如日之圓明化等空而常寂 今皇帝伏願
壽年山固聲教天臨儲嗣寢蕃宗枝彌盛宰路協恭而贊輔霄躔
應候而泰和庶績順時百嘉遂性

太宗忌辰道場疏

楊文公

軒遊已遠百年方仰於威靈堯歷惟新萬乘彌深於孺慕每屬上
仙之日益懷罔極之悲是崇衆善之緣式廣因心之孝伏惟 太
宗皇帝握樞御極恭已臨民耀神武以混車書體至仁而懷動植
焦勞致治早鍾厭代之期錫羨貽謀光啟卜年之祚 今皇帝允
膺帝籙誕擁天休紫壇隆升配之儀清廟著不祧之典睟容載穆

東武劉氏嘉隆發宋本校鈔

聿嚴如在之靈諱日俯臨更極一時之感爰就布金之地仰瞻被
袞之儀四象翹誠千官就列遵竺乾之教修香積之齋用憑供佛
之良因以奉在天之神駕 太宗皇帝伏願高居智地常御寶乘
證大梵之尊嚴俯祐三千之界福丕圖於悠久彌昌億萬之年
今皇帝伏願八表歸仁百靈薦祉西清聽斷垂裳臻大定之期東
岱告成探策表無疆之筭然後願黃扉良弼益光咨嶽之謀朱邱
茂親克保維城之訓四氣咸均於嶰谷五兵永戢於靈臺允居普
率之間共樂淳熙之化

真宗忌辰道場疏

歐陽永叔

仙馭乘雲式臨於遠日春陽濡露載感於孝思爰即梵居俾筵淨
侶瞻玉毫之妙相啟貝牒之真文集此勝因仰資冥祐

真宗忌辰道場疏

神遊斯遠方仰於軒威諱日茲臨載深於追慕虔依正覺俾集善
因敬禁殿以有嚴啟法筵而夙設仰祈冥助用慰孝思

真宗忌辰道場疏

紫極收神永悼六飛之駕靈宮追福式研衆妙之門恭惟真宗
皇帝仁洽九圍道超千古奉綠圖於翠水封玉檢於石閭脫屣之
期遽游於僊嶽遺弓之感空慕於塵寰今皇帝明篤孝誠適祇
聖則載履徹音之旦重深濡露之思是用宣九清之秘文資三洞
之真果真宗皇帝伏願儲精玉境度品珠臺永保在天之靈下
綏卜世之福今皇帝伏願撫國長楸納民太和濟聖德於日升
等帝齡於天覆然後願蔭周羣辟長扶鞏固之基樂及含生盡沐
希夷之化

仁宗忌辰道場疏

大德宜民共集天雲之覆庶邦懷惠更深河浴之思垂衣拱手閑
燕於四十年餘烈遺風扶持於億萬世願真遊之雖遠宜昭報之
不忘躬啟法筵上資福地惟願六通自在萬行圓成入非想天放
光明於寶座以本願力遍功德於河沙子孫承不拔之基廟社庇

東武劉氏嘉蔭錄宋本校鈔

無疆之福

仁宗忌辰道場疏

聖業垂瀾覆及眇躬之御僊游趣駕迅驚流景之遷撫過樂之初
辰即棲真之列字茂敷冲式欽繹靈文庶薦妙於層虛益侈祥於
多祚

仁宗忌辰道場疏

妙道難名至神獨粹宅靈觀而在上垂博濟於無私當淑春之杪
辰紀文考之諱旦虔依靖宇申繹冲文異收金錄之緣助介玉虛
之祐

仁宗忌辰道場疏

僊輿上漢莫追靈駟之遊寶藏緒文夙下神龍之聽感露濡於春
杪紀音過於海隅庶證果於上乘益超神於真際仰申遐慕陰祐
熙圖

英宗忌辰道場疏

駟隙馳光忽履撒音之旦龍華薦會廣資締佛之緣庶乘大覺之方自悟至真之趣超神絕境垂裕昌圖

英宗忌辰道場疏

僊輿厭代氣序如流梵席薦因津梁彼岸斷羣迷於非見應諸福於有緣大廣法乘往資超識

英宗忌辰道場疏

賓天不復莫窮仙馭之遊應物有緣須仗佛勝之果屬徹音之初旦結衆善之法筵庶證念於真空益助嚴於超識

英宗忌辰道場疏

僊雲忽駕莫窮絕景之遊春露向濡載歷撒音之旦即棲神之秘宇繹象帝之真詮庶嚴往升彌裕後祉

英宗忌辰道場疏

春露載零悵流陰之易改宮輿晚駕追軼景以何從望仙寢之遺儀倣祇園之法會庶資升趣益侈後祥

東武劉氏嘉蔭後宋本校鈔

神宗忌辰道場疏

痛龍髯之中斷未盡哀號感春露之既濡已臨諱日神遊浸遠塵世何知顧白晝之不留即金仙之往扣伏願聞一音之真妙滅諸念於往來超最上乘得無漏果寶幢香象長為天上之遊法雨慈雲更作人間之福

神宗忌辰道場疏

蘓子瞻

至德難名已立配天之極孝思永慕蓋有終身之憂惟是佛乘庶資冥福屬弓劍上賓之日就衣冠出遊之庭虔設淨筵俾嚴勝果庶超真覺永庇含生

聖宋名賢五百家播芳大全文粹卷九十二終

聖宋名賢五百家播芳大全文粹卷九十三

禁中安奉 祖宗御容道場疏

王岐公

願以瑣涼承於基序啟西清之祕宇奉列聖之容衣載嚴佛果之脩以助合遊之果仰懷丕列彌惕孝思

禁中安奉 仁宗御容道場疏

神遊日遠眸象天臨將陳法衛之儀往宅靈宮之祕會緣四種證法三乘度憑真諦之文仰助遐登之果

仁宗開啓百日道場疏

雲輿厭代歛驚御氣之遊蓮宇繡經具薦離塵之果先皇帝伏願超神十地燕景三清證圓滿之化身達慈悲之妙觀永依佛趣長佑邦圖

仁宗百日開啓道場疏

仙輿厭代晦朔如流梵席薦因津梁彼岸即天所之正宇陳法供于諸天度輯妙緣以嚴去識

仁宗小祥開啓道場疏

神機厭代仙御賓空忽驚弑齋更周空結宸衷之慕夙嚴秘宇崇建梵
筵仰資慧境之遊垂錫皇圖之美

仁宗大祥開啟道場疏

公衛登真莫返乘雲之馭表廬終制載驚濡露之辰啓清衛于仁祠荐
妙因於慧境仰助在天之德益垂有國之休

仁宗大祥開啟道場疏

湖龍促駕莫追層漢之遊隙四流音歛及再期之慕爰即寶坊之所載
宣密藏之文具薦精因仰資去識

英宗二七水陸道場疏

爽德在天空結遺氓之慕大雄出世普隨涵識之緣瞻金色之妙儀倣
龍華之法會度資覺力仰助遐升

英宗百日道場疏

仙輿趨駕莫板上漢之游宮隙流陰遽及踰時之慕建妙像於別境摹
法會於諸天庶格精因更資遐涉

東武劉氏嘉蔭後宋本校鈔

神宗小祥道場疏

李樂靜

帝鄉孰在莫返神遊日軌不留已成周歲恩涵萬類哀動庶心恭惟
神宗皇帝聰明睿智之有靈禮樂政刑而不悖天人和協宗廟安安雖
堯帝之功獨資於神聖而文王之壽終損于憂勤永辭萬國之依遽歷
四時之變玉音未遠龍馭何追抱鼎湖之弓潛焉流涕望裕陵之柏森
以成行敢薦妙緣少伸哀祝伏願證一乘法離六欲天挹公聖於九清
御神靈于四海乾坤日月共扶不拔之基社稷子孫永庇无疆之福

神宗小祥道場疏

龍吞鼎湖莫返登遐之馭律回姑洗奄當厭御之辰躬啓梵筵仰伸孺
慕惟願六通自在十地圓成離有想天不墮金輪之粟超極樂界長瞻
月相之尊本支永庇於慈雲廟社共依於法力

神宗大祥道場疏

東坡

密音如昨新穀再升望公馭於帝鄉陳法言于淨宇人天來會共脩最
勝之緣梵釋同遊永錫无疆之慶

神宗齋疏

龍去乘山帳乘雲之已遠天崩祀國維殞旨以何支悲動百神哀纏萬國恭惟 大行皇帝道躋曠古澤被生民焦心勞思幾至于二十年崇德廣業將垂於億萬世四方底定百度緝熙未能燕息以隨時終以憂勤而損壽遽辭宸極長往帝鄉願丹鼎之悲源空餘塵跡望鈞天于恍惚宛隔神遊仰集勝因少伸孺慕唯願證一乘法離六欲天柅公聖於九清御神靈於四海乾坤日月共扶不掖之基社稷子孫永庇无疆之福

年節資薦道場疏

王岐公

上賓之馭容衛莫瞻西向之邱威神空在頌昊天之日曷報感春露之載零爰集梵音更資超識

冬節資薦 仁宗道場疏

寶燭導和載感踐長之節仙峯駐景莫追御歛之遊即西洛之神宮建五天之法席庶覓妙果益助遐登

十月旦太后資薦 英宗道場疏

東武劉氏嘉蔭履宋本校鈔

公輿不復載齋遷移瞻神寢以非遙感寒風之又至庶憑妙果永助遐升

十月旦資薦 神宗道場疏

東坡

橋山永望莫瞻弓劍之餘陽月載臨徒增霜露之感昭延淨眾崇建梵筵庶集勝因仰資真馭

冬至資薦 神宗道場疏

聖神涉降釋梵後先適更東復之辰茂荐往生之福虔脩淨供仰導真游

十月旦資薦 神宗道場疏

王岐公

冬籥之初寒風忽至橋山之下仙馭難留陳法供於梵筵奉遺像於神寢庶憑大覺之果或助上賓之遊

正旦資薦 神宗道場疏

東坡

乘黃屋以上賓莫追風馭抱烏髀而永慕再歷春朝敢伏勝緣式闡淨供仰頌堯羲之德永追梵釋之游

十月旦資薦 英宗道場疏

王岐公

鼎湖去去愴遺景之莫留柏寢寒生感流陰之忽暮做三天之法供導

諸佛之真詮異席妙音用嚴升趣

下寒節資薦 神宗道場疏

東坡

甚風疾風感春律之將變鑽燧改火悼喪期之不留爰啟淨筵以資冥福願登大覺永濟含生

乾元節資薦 仁宗道場疏

王岐公

公與從駕莫追御歎之遊歲蓋移陰載感流虹之節即神丘之下館倣法會于諸天度集妙緣用資超識

太上皇小祥功德疏

瑤池宴罷翠華方返於西崑金鼎丹成列群遽悲于遺劍適屆小祥之節彌深綿宇之思恭就祇園大誦祕典伏惟 尊號皇帝粹容如在仙伏匪遙乘般若之殊因同道遙於淨界神歸兜率永參釋梵之游心繫娑婆更錫臣民之祉聊効涓埃之微悃庸伸葵藿之卑誠

章獻明肅皇后忌辰道場疏

李樂靜

北郊荐服已推配日之賢南面抱孤更極輔天之力憂勤致理慈愛及

東武劉氏嘉陰發朱本校鈔

民屬諱日之載更仰徽音之如在敢憑董嘏上祝茲嚴伏願入觀止門超真乘於十地以威神力扶洪業於萬年

孝明皇后忌辰道場疏

雲衣縹緲願羽駕之何追寶宇深嚴相徽音之如在俯臨諱日恭啟法筵伏願三十六天直超無上千萬億劫不墮有情生靈共濟於慈果社稷長依於福海

文懿皇后忌辰道場疏

王岐公

旋九天之馭已邈於徽音倡諸佛之詮是憑于勝福 文懿皇后躬肅雍之德稟柔順之儀助正道於先朝留淺慈於福廟 今皇帝緬追遺懿明發孝思載躅常樂之辰式伏度門之薦 文懿皇后伏願乘二梵之果超群生之迷洒甘露於神天妙大雲于法畛 今皇帝伏願皇圖日懋聖業天隆鼓中和於萬靈一教教於殊俗然後願台纏永耀宗葉長榮盡有相於幽明享無邊之威力

元德皇后忌辰道場疏

楊文公

伏以堯門積慶適鐘聖母之祥佛國往生更賴法王之力屬忘辰之斯
屆痛公馭以難追伏惟 元德皇太后沙麓炳靈塗山毓德紀徽猷於
彤管美播聲詩伸嚴祀於闕宮禮崇孝享 今皇帝表懷願復深念劬
勞感昊天罔極之恩崇淨土有為之果每值上遷之日克脩衆善之因
瞻十力之慈尊會五天之梵衆載嚴佛事式奉神遊 元德皇太后願
聞法靈山棲真內院念超三界高臨解脫之方智入一乘早證摩耶之
果 今皇帝伏願金輪永固寶曆稱昌武庫橐弓見遠夷之率服仙衣
佛石同聖壽之延洪然後願藩屏磐維固本枝於百世樞衡鼎萬平懸
象於三階群官盡效於忠貞萬姓咸躋於仁壽

明肅皇后忌辰道場疏

仙遊不復載臨奉諱之辰慧果無邊益助超生之識願儀之終闕悼宸
慮之永思仰承諸佛之詮陰祚有邦之慶

惠明皇后忌辰道場疏

楊文公

神遊已遠方尊如在之靈佛事再嚴用植无边之福爰及上僊之日聿

東武劉氏嘉蔭錄宋本校鈔

崇衆善之因伏惟 惠明皇后積德遺謀流光錫羨長秋追號允鍾似
續之祥清廟荐誠克茂吉蠲之禮 今皇帝運鍾下武義薦奉祇荷宗
祧永懷祖妣俯臨諱日誕舉國章特就精藍聿陳淨供會威德六和之
衆瞻慈悲三界之尊度覓金地之良緣克奉玉清之公駕 惠明皇后
伏願早蒙佛記常住天台宮受百福莊嚴證一乘之解脫配食永隆於
廟貌十年更祐於邦家 今皇帝伏願位固金輪功周沙果五兵不試
盡銷楚鉄之英萬壽無疆益茂莊椿之笑然後願列藩荷寵更隆磐石
之基當國輸宗永著和羹之効百辟咸傾於誠節萬民共樂于升平允
居覆燾之間同被文明之化

章獻明肅皇后忌辰道場疏

王岐公

軒宮淪耀再丁逼密之期彤管流音空詠思齊之美啓丹台之法會繡
藻笈之靈文庶味妙宗益資遐舉

簡穆皇后忌辰道場疏

楊大年

聖心追遠仰瞻如在之靈佛事崇因式薦无邊之祉屬臨諱日舉集勝

勝緣伏惟 簡穆皇后道茂坤儀德昌王業克協層沙之慶誕昭彤管
之華懿矩彌芳徽音載邈 今皇帝紹隆景祚奉若仙猷仰真馭之弥
虔罄孝思而無斁聿遵典著虔奉齋脩 簡穆皇后伏願聖德誕教仁風
登無垢具慈因於十號佑華且於千齡 今皇帝伏願聖德誕教仁風
丕冒七政齊而協曆九功叙以咸歌永保无疆之休茂治薰熙之化然
後願宗英輯睦道固維城良輔弼諧功宣作礪燭敷教于率土書瑞應
於豐年

昭憲皇后忌辰道場疏

楊大年

仙駝上賓邈靈遊而遂遠星龍綿合僂遺範以如存式臨奉諱之辰欽
薦無疆之祉伏惟 昭憲皇后歆祥聖武宅順坤儀首基樹極之華參
翊蘿圖之永懿猷茂建柔化丕昭悟真諦以馭神行慶謀而垂後 今
皇帝永懷徽則介助真詮悵先忌之環經凝孝思而重感祓除金地披
繹寶文旅華祇以迺香儼珍羞而侑供異甕惠果上續勝緣 昭憲皇
后伏願法露普流慈雲周蔭宴居淨界常為十蹄之證明願在朝家彌

東武劉氏嘉蔭履朱本校鈔

極九皇之高治 今皇帝伏願奉承鴻緒增鞏丕基紀瑞高符交天人
而相答尊名威德喚日月以常新四序順成八風和布臺師偃戢原稼
豐甘然後願磐石英藩永茂維城之業乾台哲輔益隆駿報之勳官師
胥協於忠良黎獻並躋於仁壽

元德皇后忌辰道場疏

葛侍郎

貝葉旁行存誠西竺琅函隱韻歸命叢霄軌憑二教之真詮仰助一靈
之飄馭 元德皇后伏願力持法印永兆道林悟鷲嶺之上乘作龜臺
之仙伴佛土三千界親覲世尊玉京十二樓遍遊仝境垂水窠宇錫美
皇圖

章懷皇后忌辰道場疏

葛侍郎

視天作合配鴻鈞以派芳濡露感時供資王而追福 章懷皇后伏願
圖融根境領悟希夷聞佛音于玉毫之前受法錄於瓊章之上法航大
濟見慈氏於龍華羽駕超升友神人于姑射

隆祐皇后首七水陸道場疏

汪彥章

慈壺興災仙遊厭代既徽音之永隔非真諦以疇休 大行隆祐皇太后伏願頓悟三乘坐超十地如明灯焰千薪傳而千處不窮若夫海流一滴入而一功無異證成佛果數佑邦圖

隆祐皇后二七道場疏

慈闈棄養永纏隙駟之哀公馭升遊俄閱親蚕之候爰即椒塗之地恭繡貝葉之文憑仗勝因增崇冥福用東朝之積慶契西竺之真詮

隆祐皇后六七道場疏

厚德遺基永恃山河之載仙遊歎駕徒驚日月之流爰陳蒲塞之羞并集毗尼之衆闡揚海藏湔拔世氛庶啓在天之靈即登成佛之果

昭慈獻烈皇后卒哭道場疏

徽音浸遠晨昏復見以無期喪紀敢逾哭涌自茲而有節即長樂嚴凝之地闡祇園祕密之文仰祈如在之靈即證無生之果

昭慈獻烈皇后几筵道場疏

迅景莫留隆冬俄及瞻玉衣之在御驚總帳之生寒爰即禁楹晉作人

東武劉氏嘉隆發宋本校鈔

天之供廢扶慈極永從帝釋之游稽首覺雄垂心冥祐

昭慈獻烈皇后陪殯水陸道場疏

馳駕登遐莫盡飾終之報龍輅在御將靈先遠之期爰稽梵釋之文溥作人天之供徼福萬緣之會歸誠兩足之尊仰冀等慈潛伏精誠悟總持於妙湛用升濟於神明

隆祐皇后水陸道場疏

天禍禁闈世亾慈及徒哀迷而失次念追報以無前惟伏真乘庶增冥福悟無明之種子乘大覺之津梁願力所覃神基斯固

昭慈獻烈皇后水陸道場疏

羨道既封雖山川之在望虞牲屢荐帳日月之如流恭命苾芻之徒普羞蒲塞之供仰祈法力陰導神遊同知見於覺皇錫休祥於丕祚

昭慈獻烈皇后中元水陸道場疏

塵仰宮衣理莫回於長夜涼生陵柏時奄及於新秣當苾芻自恣之辰陳蒲塞無遮之供仰祈法力永導公游集諸福于人天隕餘祥於宗社

文懿皇后追薦道場疏

楊大年

闕宮嚴奉尊藏王之遺靈舍利追嚴悼捫天之遠駕伏惟 文懿皇后
德侔厚地慶協層沙早正號於中闈尚留芳於彤管 今皇帝感慈訓
俗昭孝厚民屬諱日之聿臨企真遊而永慕大營蒲塞之饌遐荐飛颺
之輪 文懿皇后伏願足履紺蓮神栖寶網面禮薄迦之相坐證三乘
叔拂淨居之衣用綿百世 今皇帝伏願福量等海壽曆如山廣錫羨
於本支彌昌異業導厖鴻之祺祉大庇生民然後願宗卹茂親巖廊雋
輔交著弼諧之績同均凱樂之宜官師咸竭於忠國咸夏率柔於叡化

明德皇后中祥道場疏

楊文公

丙殿上僊四氣俄周於歲律祇園薦福一人方極于孝思是崇出世之
良因以奉在天之神馭伏惟 明德皇后高後襲慶沙麓儲祥作合神
宗二紀式隆於陰教居尊長樂萬方同仰於母儀俄運逼于真遊固哀
深於宸極 今皇帝至仁守位盡禮事親慶方洽於承願悲忽纏于曷
恃邦家異制勉遵易月之規霜露永懷彌切因心之感玄寢已終於遠

東武劉氏嘉隆後宋本校鈔

日忌辰爰及於中祥特就精藍虔備淨供會南州之開士崇西竺之妙
緣庶憑大覺之深慈克證上生之聖果 明德皇后伏願寶乘悟法花
界棲神受佛記於雙林福皇圖於百世 今皇帝伏願萬靈荐祉千聖
垂休壽考无疆克協山呼之數干戈載載永符海宴之祥然後願親賢
毓德於懿藩輔弼宣猷於宰府羣后載輸忠之効庶邦堅共治之誠九
居普率之間共洽升平之化

請珏老住龍興疏

邵公濟

釋迦過忉彌勃末末當寥絕之兩間孰收台於四眾珏公躬履具戒廣
翻秘言初說臨江之禪若契臨濟之事眷茲故壘舊數精廬久群笑於
狐狸輒擯斥于龍象掃除去霹靂手興起發勇猛心削牘以聞奉制日
可天堂再啟重現光明之拳丈室既成徧容高廣之坐屬茲開士越彼
稠人果誦羨之有歸須當仁而不避出贊嘆之妙語用光華于淨坊

請湛老住崇寧疏

晁无咎

大圖頓教不以世求妙淨明心不緣他悟既眾生本來成佛則祖師何

以為人皆由流轉塵勞多生認賊所以顛倒迷悶終日怖頭有大智人緣在震旦面壁無語不妨滿谷清風隻履西歸依舊一天明月雖它芳之已屬敷眷此土之未敷今皇帝陛下紹述聖猷嗣隆濟寶合百工歸美之意建萬壽崇寧之名妙喜樂來化成跳出是用騰封章而有請屈道德之肯臨恭惟和尚受祖心提方印等茲不擇貧富任運无有東西視不見聽不聞在三藏鼻孔上立過者死當者壞從德嶠棒頭出來願垂悲憐副此翹好不用變坐作熟自然識路知家己不盡灯度无量葛藤其斷阿誰曾縛汝來皮髓兼忘却箇是不精底上資睿美永洽純熙旁沐民生普離蕃咎

請圓老住教院疏

孫仲益

如來起最上乘初無言說佛子墮无始劫久住輪迴閱諸一切有情當為衆生說法某人讀書悟斷輪之妙談空契投芥之机面壁九年已忘言語道彈指千偈犹現句文身指彼所之津梁示群迷之領袖牆壁瓦礫皆具法音龍天鬼神遍作荅兩

東武劉氏嘉蔭後宋本校鈔

請密老住玉屏疏

虞推甫

何佛無因且說法身報化是山有寺不論見在去來況開山建無礙道場傳佛正法眼藏不逢妙甲孰慰羣心共惟某禪師開自在門行真寔諦身如青蓮出水有塵莫汙心同白日行空无跡可踐典精籃于蠹弊荒積之後成大藏於笑談指願之間交驩者千萬人害成者二子載清風而歸去為勝地而鼎來山間艸木盡欣欣不知春力庵裡雲雷長闊溥接初機增光玉屏山願升寶蓋座

請妙印大師住龜潭疏

孫仲益

一世解鑣尚存馬鬣三歸集福今在龜泉伏惟某人舍衛國之比邱祇陀林之上首安心得法隨處現身九節烏藤去作閒雲之伴一邱黃壤竹瞻法雨之滋

請印老住中岩疏

邵公濟

貝闕珠宮自菩薩龍所避玉塔金地為阿羅漢所居必極西方之派故堪東道之選伏惟印老和尚舌根茹密有花木香襟懷挾冰无塵土

氣操節凜金石之異言語如雲霞之姿已堂堂而經奇但寂寂而理照
若同淨業數眷老夫勅書閣下接太乙真人吏隱山間近第五尊者睇
林泉之勝踐適迺管之上遊閃平生之故交在舉世之開士亮出處之
毋必莫然諾之未忘訶佛進佛場中想四眾之避席將母慈母岩下尚
千載之十鄰

請悟禪師住興化疏

陳无已

南北不異禪律相資曲士拘文起差別於耳目至人達觀示平等於冤
親不有別傳孰開異見某公尊者承佛受記為世道師紹雲門之正宗
分慧林之半座望破頭之氣知正法之傍行觀優曇之華信異人之間
出知時莫逆觀化方隆母辭千里之行以慰一方之望

請普老住太平

李元應

久饗太平老子向无孔笛中吹个曲解嘹唳太清惟三世諸佛拍得是
六代祖師和得徹和山鼓應得就道吾舞得成若向宮商角徵中求今
已搓過去也行遍大唐國知音能幾人况武信未為陋而廣利久靈法

東武劉氏嘉蔭後宋本校鈔

席開市子裏三家却中恐有半箇人聽不以耳幸命師駕

請正老住廣孝

寒山無心自是太豐干饒舌馬祖多事堅要黃梅出山這聖箭子昔曾
透過九重城汝鈍根師何嘗夢見六代祖况趙州老大漢住處未知那
臨濟小厮兒具眼有數試看朝生鳳子解接老去驢年惟振禪師具潮
外音同水中月當時行脚懸知我子天然今日還家正謂老婆心切接
得青原斧子踢到百丈淨瓶雖短小而舌至梵天能圓融而量廓沙界
豎起拂子這妙月西天亦無吹動布毛箇佛法此間也有真菩薩子現
宰官身知廣利之叢林非野狐之屈窟定善濟塔下觸目菩提蘭陀庵
中通身般若本是頭頭具足鷓鴣喚處野花香不妨處處圓通燕子歸
來溪院靜牧笛嘔啞非是曲聽取一曲太平歌

請嘉州密老住宜黃梅山疏

翁起予

嘉州石像擎天作麼蓋藏陝府鉄牛下口不勞吞吐既有隨身之竿木
要施鍛佛之鉗鎚振曹洞已墜宗風判祖彌未了公案會有達識成此

妙緣密公長老宿植道根深得法髓乃枯木之的子正芙蓉之遠孫敲
唱俱行跡用全露斷三種之滲漏辨五位之正偏迹隱叢林名高海嶠
適有宜川之上利寔為靈汝之勝游輒枉巾瓶來臨囑鑿桃花見後不
須過眼疑生梅子熟時切忌當頭問着勉從眾請幸勿固辭

請恩老住蔣山

張安國

陝府鉄牛脚力負萬鈞之重石霜角帛眼光搖百步之威欲轉无上法
輪須還本分尊宿恩公長老禪師一生打硬四海知名揚岐棘栗逢當
仁不讓國師無縫塔此象卻諸截斷眾流壁立千仞乃春鍾山之勝地
實緊圓悟之昔游俗駕初回潮音未振考之公論僉欲師來拗折竹單
且與逢場作戲橫擔拄杖直須覲面相呈稽首妙華王請祝聖人壽

請趙居士住觀音院

陳無已

觀音古刹地聖人允頤上名都信深緣熟是興无盡之供用開大施之
心趙居士見遠察微有家無累悟解不立已契祖師之禪悲願未終更
廣眾生之福憑茲一舉以効初心

東武劉氏嘉蔭篋宋本校鈔

請凝藏住天宮院

牢落數椽在梅山之闌市端居一席須茶苑之名流凝公長老純白天
資孤高道巧毘盧寶藏曾是護持兜率天宮何方坐斷看曇花之初出
祝蘿祚之無疆

聖旨請開老住經山

黃荅翠竹是山皆有道場拍板門槌到處堪呈戲具春徑山之勝舉寔
寶刹之善因法席偶虛當人誰屬恭惟聞公長老丹霞敲手枯木親孫
一口吸盡西江四蹄踏殺天下得正眼法為勝沙門酌不竭而注不盈
窮益深而測益遠空心及第豈偶然哉垂手于人無不可者共慶人天
之會遽邀龍象之來

請珪老住黃山

輓毬指栢當面孰瞞擊竹捲簾遭人冷笑現成公案不勞忖但商量本
分作家別請斬新拈出珪公長老早携龍門之法印出總虎溪之道場
意氣高壓諸方見解平欺千聖拈槌豎拂不惟截斷眾流縷月雕風更

能遊戲三昧矧黃山之勝境實緇侶之上游猊座久靈雷音未振願狗
人天之請覲同龍象之來敲開祖師佛頂門拽轉衲僧鼻孔上資睿算
俯慰允情

聖宋名賢五百家播芳大全文粹卷九十三終

東武劉氏嘉蔭發宋本校鈔

聖宋名賢五百家播芳大全文粹卷九十四

請疏

請駢老住惠安疏

翁起予

臨濟一喝響似雷奔黃龍三閤峻如壁立雲居祐老僅會放簾捲簾兜
率恍公頗知我手佛手張元未盡免撓行奪市嘗真如大似借水獻花
雖云自有家風不出這般窠臼公案見在宗派分明湏求末後老成掃
蕩從前陳迹駢公長老以无碍辨得最上乘早傳跡山之衣人云跨竈
頂坐衡嶽之頂誰敢當鋒四馳踏殺天下人一口吸盡西江水真個光
熒先覺可謂不忝後昆念堯山之要津有惠山之古刹鐘魚不振貌象
久靈敢屈高踪來臨法座別傳新令要教佛祖點頭一洗前塵便使雲
山改色勉從敬請幸勿固辭

請仁老住教院疏

孫仲益

如來起最上乘初无言說佛子墮无始劫久住輪回閱諸一切有情當
為衆生說法某人讀書悟斷輪之妙談空契投介之機面壁九年已忘

言語道設指千偈猶現句又身指彼岸之津梁示群迷之領袖墻壁瓦礫皆具法音龍天鬼神變作蒼雨

請六祖禪師住中和疏

黃魯直

鐘魚鼓板癡禪盡飽而六祖臥具牀敷濁禪盡溫而六祖冷使道人如此失所檀越何處用心敢為諸仁畧開少分相逢展手不妨貧女一錢隨喜轉頭報作龍華三會

請觀音禪師疏

陳無已

出處有緣相時而動去來無意以衆為心某公禪師行歷諸方歸安一榻湛如止水衆至則形寂若震雷物待而發惟此東剎今號左禪乃古宿之道場而昔賢之施會異人間出衆志大同續圓通之法燈成仙佛之遠記法施務廣當衆建而共持祖道大行復一枝之旁出

請觀音禪師疏

知者不說語言所以為人德必有能住持乃其餘事某公禪師言未發口而達者知其有道功未先事而設者知其有才信淵默而雷聲由孝

東武劉氏嘉蔭後宋本校鈔

友而成政願茲勝地宜得異人祖令當行正須無說羣能効力不假有為願效至情同伸勸請

請觀音禪師疏

陳无已

世當末法方蕙嶺之西歸地則左禪乃福城之東際人天合力緣法同時某公禪師徧列五宗頓開千眼着衣喫飯肯學馮山之禪得髓與皮不落少林之句十年面壁未遇知音千里同風是歸作者无緣處說法有緣處稱尊勉徇衆心以成本願

請悟師住文頂疏

楊祐甫

諸行無常惟禪為第一義精義無二故佛說最上乘是法上等級之差吾儕有根性之別其解脫者頓悟刹那之頃彼沉迷者輪迴億劫之多式頓正知為了大事茲佛所囑非師而誰伏惟長老和尚揔持多心遊戲衆妙大珠瑩於濁惡慧劍倚于虛空諸聖經行无空過者大衆瞻仰決非偶然然而時有適來緣不接合浮盃湘水起无住心還錫濁門現大悲性過故山而耆舊膜拜入吾室而龍象歡顏諒佛衣之有歸捨王

城而馬往廼率四輩同啟一心敬奉懇誠諦聽開諾伏望闢正覺路開
方便門濟度斯人俱到彼岸

請解空長老住江心疏

第一義諦本來元是分明不二法門了然也元多子故曹溪分派於滴
水而少皷林續敲于枝灯見性求心天好作佛作祖傳衣付鉢要須及
子及孫能益振於宗風庶有光於道價春此中山之勝鬱為東澗之雄
兩峯屹烟霧之中萬瓦出雲濤之上見成底好个公案近新來却立話
頭地勝人九唱高和寡潮音復振豈惟疎聽於魚龍佛事增脩要使斬
新於鐘鼓敬舉斯事元屬當人共惟某人天下大禪眾中尊宿脚根步
步點地鼻孔裏、撩天喝下承當妙得雲蓋之骨髓捧頭荐取別開臨
濟之眉毛真叢林一角之麟寔法窟九苞之鳳願迂錫杖來坐道場禪
門何憚於去來道眼寧分于彼此三十年後信天竺此語盛行八千載
中祝南山之壽難老

請圓師照疏

東坡

東武劉氏嘉蔭後宋本校鈔

竊以大道无為入之必假聞見一毫頓悟得之乃離聰明為自在門真
无碍法天降一雨徧浹群生佛无二門併歸真諦共惟本師長老脫離
常見洒落孤風其為己也如月行空无跡可踐其為人也如金入範隨
住皆圓既不滯于一方豈肯違于眾敬而况淨慈古刹錢氏福田代不
乏傳人所信嚮閔矜善俗又斬真馭以來臨惻隱慈心願順羣誠之再請
再請震老疏

劉中遠

橫海鱣鯨寧容蝘制摩霄鴻鶴非復燕知在靈府以長閑於贅疣而奚
問白水長老一念佛印九坐道揚雲渺、以无心水洄、而不競澄之
不清而撓之不濁飄然而去則飄然而來復歸我著洞天說普賢樓閣
大眾渴仰重說偈言象駕崢嶸但進途誰信螳螂能拒轍

請然老住東林疏

劉中遠

三世諸佛夢中說夢人鮮知音六代祖師頭上安頭誰能領話家、顯
露箇、圓明須煩本分衲僧直指現前佛性然公長老慈覺印之嫡子
雪竇雅之親孫十住大叢林硬着脊梁擔荷徧驗老尊宿怕它鼻孔喝

斜一領布衫重七斤何人定價踏着秤槌硬似鉄惟己自知春此東林
風稱名刹久已鐘魚不響幾乎泉石无光龐居士夙契丹霞裴相國能
招黃檗蓮社從今熱鬧廬山喜有歸投願憑寶炉一瓣之香上祝聖君
萬年之壽既解乘杯渡水展赴請神通何妨滿座香茶教大家讚歎

請悟老住徑山疏

三獸渡河誰是上根之物種一牛吼地親逢具眼之宗師適當叢林禁
足之神請聞竹乾出世之法共惟某人迅雷轉於舌本生鐵壁作脊梁
挈雲門墜地之網為月印得髓之子垢衣盡脱疑網頓除綜貫三乘縱
橫五位曇花初開於汝水衲子雲臻毒龍再擊于徑山妖魔腦裂偶億
武夷之烟月暫得妙濟之松風不忘疇昔半面之知是為方便不請之
友如來心印故非一己可私力士額珠要為衆人點出香花鬱畫幡蓋
圍春願揚无上之深叢廣作有情之饒益祝南山萬歲之壽後天永裕
於龍圖續西土四七之燈天事增光于驚蟬毋勞固讓便請惠然

請文老住支提疏

東武劉氏嘉蔭後宋本校鈔

高山流水薦剎相逢便是知音啼鳥取次野花粘來着个轉語不使熟
瞞伎倆直饒戡破話頭允屬當人獨判公案共惟某人禪機電擊道眼
鏡懸與麼光輝恰是一佛處世自然露保不與萬物為鄰无惜老
漢着毛發明祖師心髓打透閑核把定鉗槌言下荐來自是本色衲僧
事棒頭悟發去辦得徹底老婆心无門无善才有地有弥勒願登獅子
座便駕象王車不妨直下承當要證向上巴鼻

請永長老住西禪疏

曾子文

見聞覺知中踏翻世所尤是滯礙迷封文字語言中打破虚空未為孤
吟絕唱若也撥轉祖師上頭閑撥須是炙鍊佛祖本分鈴錘一劍當頭
大地結定某人大根大羸徹髓徹心世尊良久霎別開眼睛彌勒未生
時摸着鼻孔妙喜有分讚嘆懶庵不敢蓋藏為山大闢於父風洋嶼高
提于祖令王常侍擲下筆子幾蹉過于米湖裴相公問及高僧獨推出
於黃蘗城中百萬戶歸依未飽海上十二峯時節到來俱胝一指頭道
場重興此日臨濟三頓棒家法大聳群瞻願垂慈悲曲徇其祈請

請正長老疏

不識李翺不是藥山和尚不過韓愈不為大顛禪師姓名已播公卿號
令豈惟衲子禪師兜率の嗣林際正宗拳頭與棒孰識其機脊梁與口
都硬如鉄近放一隻聖箭直指三山道場既是披襟便宜荐取莫教過
眼却欠承當看半句之斬新使衆耳之聾聵

請戒長老疏

東坡

大士未嘗說法惟作金毛之教衆生各自開堂何関石塔之事太无作
相住亦隨緣長老戒公開不二門施無盡藏念西湖之久別本是偶然
為東坡而少亩无不可者一時作礼重聽白椎渡口船回依旧雲山之
色秋來雨過一新鐘鼓之音

請通長老疏

精衣冠以命儒盖儒之表認禪律以為佛皆佛之粗本末清淨何者為
律一切解脫寧復有禪而世之惑者儒佛相殊禪律相咲不有正覺誰
開衆迷成都通法師族本縉紳寔西川之望業通師礼為上國之光爰

東武劉氏嘉蔭發宋本校鈔

自幼齡綽有遠韻薛君親於方壯弃軒冕于垂成自儒為佛而未始業
儒由律入禪而居常持律報恩寺水陸禪院四衆之淵藪三吳之會通
願振法音以助道化所為者大无事於謙

請化長老疏

張正巳

自无始來本无一物從有為後豈有二門世尊與蝼蟻共胎兜率與泥
犂同境天霽不容芥子小時也納須弥足踏手拈人々皆會天覆地載
處處有餘求直自失眼睛言竟已非吾髓諸佛何曾出世六祖未嘗說
禪橋流水流空付作者幡動風動本試小兒葯王但莫行醫雜厚自然
无病何者今日偶然道場惟我化公漚發海南雲飄劍外既悟樵中之
塵廻收衣工之珠弃寶沈江微笑推車居士疎沙為塔已付轉輪聖主
投筌縱免奏刀袖手南禪灯謝諸老眼開未免赤脚入泥莫解和衣涉
水若蒙木人問話聊與點頭或遇獅子頻呻直須下杖時不可失師无
後來

請听律師疏

陳了翁

竊以教師示別圓隨機各異乘分大小攝心豈殊慶喜遠遊捨軌範而
遭魔網波離奉律漸通達而證圓門束心必始於束身了性常資于了
相請遵羯磨為講毗尼斯公律師信奉迦提轉布持薩說南山嚴淨之
戒以靈芝高潔為師宜因隨喜之衆情廣談放逸之多咎庶起本又之
利用生那堪之緣

請天遊禪師疏

孫仲益

大道真空不分禪律衆生妄見交構是非直須最上乘人與說第一義
諦豈必長連床上拊枕高眠何妨枯木岩前拈椎一出游公長老名喧
左蜀價重南州心鑑湛然機鋒剝直舊時寵蘊愛話无生今日臥輪不
妨對鏡惟茲小刹創立叢林雖把茅蓋頭未稱作家之用而寸鉄入手
要看軍令之行諒肯隨緣寧煩固避

請僧住墳庵霜露臺疏

汪彥章

風樹纏悲既抱終天之恨泉臺卜吉適逢遠日之期念板緣皆自於愛
生歆解脫當求于佛力佳城增廣瑞像來臨若非除饑之男誰作住山

東武劉氏嘉蔭稿宋本校鈔

之計某人奮身名族投跡勝籃久從善知識游常有天因緣志轍透杖
屢來賁松楸香飯化成何須摩詰淨瓶踢倒贏得瀉山願持不退之心
副我无窮之託

請子義住牛山菴疏

孫仲益

同產五十年為昆為弟孤坟二百里依佛依僧爰締鴻因增崇善果共
惟某人捨身得度住世隨緣拄杖經行松楸改色結跏宴坐烏鵲來巢
庶憑十力之慈大庇九泉之壤

請僧住黃林菴疏

種蒔松楸迄今五世追營香火何止百年評公已潛九泉之幽方老為
續一灯之照凌空飛錫在霧隨緣踞地磨磚不妨穩坐

請僧住龜潭菴疏

一邱黃壤永依龍象之尊百寶青蓮普照松楸之上某人安心得法隨
處現身竭來給孤祇樹之園面僚達摩少林之壁栽花種竹不妨宴坐
觀空運水搬柴自可優游卒歲

請堅老住菴疏

伏以大道无方曾何决擇宗風有自所在流通惟隆振小菴寔家山舊
隱塢内桃花正發峰頭菡萏還敷不有高人孰成勝事伏惟堅公禪老
傳天風之正法住因勝之名藍緇素皈依天人豈仰志輕榮勢心慕林
泉敢分慧炬之輝光用烛冥途之昏暗三家却裏搃是道場十字街頭
未為奇特何待拈槌豎拂方名接物利生宜大振于慈風即莊嚴于淨
土存亡普利泉石增輝况小道必有可觀而當仁在所不讓良辰易失
快便難逢鑒茲懇誠毋勞偽避

請朋老住西菴疏

一椀瓏土蔽柏城拱木之陰衆香鉢中具桑門伊蒲之供肆崇善利允
屬當辰共惟長老朋公徧徃叢林久提祖印嘗據十字路口把斷要津
今盖一把茅結跏穩坐雖云無住相寧恋三宿之桑真成不動尊當面
九年之壁

請僧住牛山菴疏

東武劉氏嘉蔭發宋本校鈔

百年休歇四大本空一念皈依三生不昧某人追營香火升濟幽冥弘
開十力之慈光賁九泉之室即以緣而應佇看隻履之飛隨所寓而安
豈厭把茅之陋

請妙老住墳菴疏

盖茆一席容膝有餘良藥萬金安心是法如公長老夙心不昧真契自
投於當來世有大緣故所遇作大佛事望松楸而拱矣方懷風樹之悲
聽瓦礫以熾然行見雨花之墮

請法王航公開堂疏

黃魯直

本色住山人皆授如來記居則枯木止水宴坐十方出則疾風震雷驚
動萬物不擇喧寂作大因緣中夏所瞻崧高惟嶽心不可得少林開第
一之花聖從何來破灶見本有之性從上諸祖莊嚴此山彼大法王寔
掘都會河潤千里惠林來福京師鶴鳴九皋天鉢蹄稱真子共惟天鉢
長老航公悟有生鳩毒乘出世舟航吹布衲之毛傍家行脚刻法堂之
草選佛登科而久閑尺壁之陰退養衆生之病寶花玉座共知不可覆

藏莫掃堆頭重為斬新拈出

請郭山霖老開堂疏

去聖悠遠邪法崢嶸當人伏藏正宗沒薄鉢囊掛壁衲被蒙頭可為癡
種子皈依必遭明眼人識破郭山應霖禪師蘊天台之雲月飽南嶽之
林泉得翠岩悅一味之禪分大愚芝千灯之燄而枯木宴坐草溪法堂
彼悅上人者把牛鼻繩能獅子吼惟升堂入室未見其人今日請為大
衆發蒙亦與先師雪恥要當腳踏寔地舌覆大千末山園中不負臨濟
蓮花峰頂親見龍牙入泥入水為人捍聚放開由已狸奴自拈盡教鼻
孔撩天水鳥樹林湏令腦門着地

請平老開堂疏

蘇叔黨

白雲在天舒卷自我明鏡无垢妍媸現前所以去來千變卒之无心酢
爵萬狀本來无物今天寧長老平公嗣真如法傳達摩衣學道為衆宗
師出衆隨緣利益教名籍甚未許逃于空靈悲智兼脩正可行其願力
重提祖令大振宗風作江海之慈航施山川之法雨妙高峯上本為一

東武劉氏嘉蔭發宋本校鈔

大因緣毗耶城中盖自兩无言默鼓鐘一時改觀瓦礫莫為非人

請明教長老開堂疏

汪彥章

不離四諦諸佛刹：現前直指心源衆生人：說法然言下有可傳之
派而古來无不續之灯不暇當人孰提正令堂頭入毘盧境界真臨濟
免孫土木形骸冰霜志操一言半偈久為衲子傳來萬水江千山行到
江南盡處潮音一振海衆遄歸正當象教一千年餘大家說鵬月三十
日話信手拈來皆是臨机踢到便行要使吳頭楚尾之區坐僧齋鼓粥
魚之氣過緣斯感无事于謙

請寶林長老開堂疏

秦少游

彌勒開門惟善才而能入毗盧丈室非摩詰以難居寶林禪院南宗佳
厓東吳勝槩本惠休經繡之地寔澄觀隸業之坊法水灣環妙峯孤秀
下奩玉鑑涵日月于昏明傍穴金蚪化風雷于呼吸既川原之秀錯仍
舟艤之鼎新飛閣浮塔就山為勢方圓并因木成安即之而智慧生
望之而塵勞破九重鴈塔現多寶之莊嚴萬石鯨鐘示觀音之方便允

非開士難稱覺場大師雅稱箭聖素蹄禪閑投虎峰而出家過龍浮而得法祖師衣鉢昔因書壁而傳首座山林今以躍瓶而獲了无異議實有聖緣住開大眾持門以結鑠迦羅眼

請乾明長老開堂疏

竊以離塵求覺已乖調郵之心即幻見真方契餘光之望聖因時遠人與法差執空而取者依一精明任相而求者認四顛倒守痴禪為定力運乾惠為悲光習以自欺久則難變既安邪解沉迷有陋之因宜得正宗開示无方之力照慶上人洞該真際圓證法空於前派轉徙之途得妙湛摠持之力反聞性體已徧于塵沙自覺他功未周於毫刹轍勤三請願繼一音說見在心作將來眼

請醴泉長老開堂疏

毛端寶刹曾何新故之常天下大禪安有去來之累惟古佛廟寔今醴泉自百年香火之餘殆一國風烟之際塔闕連環之土肯殿藏及錦之具文然而飛鳥啣花空存勝景真珠撒帳未過明師遠軍旅之荐興獲

東武劉氏嘉蔭篋宋本校鈔

法筵之初起芳公長老少通教相晚悟宗乘密行則鄉党之可依歸妙法則天龍之所為向游方既久好海茲深願辟臃腫之居亟歸返來之駕為談不二以度无边

請高郵長老開堂疏

棒頭取灯尤為瓦斛冰銷喝下承當未免龍頭蛇尾况乃不快漆桶无化鉄鎚徒認影以迷頭但抱賦而叫屈豈知填溝塞壑无非碧眼胡僧積嶽堆山盡是黃面老子伏惟和尚脚根點地鼻孔撩牙天真匠子之鈴鎚寔作家之鑊鞴諸方舉唱要須十字縱橫大眾證明但看一場敗闕

請高飛新老開堂疏

藕絲孔内既可追軍牛蹄泓中何妨說法况此三家村裡亦是百丈竿頭儻若當人自堪選佛今起南宗之規矩政資本色之鈴鎚新公禪師出自梵巖之叢林未佐天王之法席但知跛、孛、何曾暖、姝、忽有悟于吹毛遂難藏于磴米今茲拈出分明對箭當胸但看令行不是呼鷄作鳳喚迴癡種子接取明眼人坐令蟻穴蜂房俱為佛地何用龍

宮玉食徒美人現好振雷教仰作堯冥

請天王真老開堂疏

鄧志宏

當年主席曾煩獨脚之夔今日傳衣可无三角之虎政煩作家之手段
來繼本色之鉗鎚再起祥光喚回勝景稱公禪老夙親文墨每觀鼻孔
之撩天壯了宗乘已覺脚根之點地掛眼金屑業已掃之帖肉汗衫于
今剥矣用勒三條之箴來復一把之茆法窟頓呻萬籟俱息禪林蹴踏
六合皆驚妙傳六祖之心永祝一人之筭請陞兜座便振雷音

請長老開堂疏

孫仲益

得佛心印般若流餘大千在我門中辨才今為第一而况發地藏之眾
寶鼓天雷之大聲果有當人先傳師法共聞礼清溪之坐授建隆之衣
聚萬種之雲光烈一時之風雨釋梵眾聖扶成智慧之言王公大人驚
動聰明之聽北方龍象未有前聞我等一眾稽首皈依

請彭老開堂疏

陳了翁

竊以獨一无侶者古佛之心真俗不二者禪宗之旨唯信能入非情可

東武劉氏嘉蔭發宋本校鈔

傳悟當擊竹之時誰能贊助咲在拈花已後自合通流必先遊寂默之
場乃可任住持之事彭公長老法乘浮度孤出澄靈多年廬阜之遊一
滴曹源之味逢茲聖刹宜順眾緣所聞苟可以利它後學亦資于善導
雲門一曲妙音不屬於宮商臨濟三闋平地豈分于彼此直演融通之
句用調乖淨之風度令佛日之光輝永同睿筭之長久

請太平具國長老開堂疏

天台選佛之境太平祝聖之場石鼓出萬歲之聲妙音犹在金地映千
山之色寶殿常新用古人宴坐之設說今日忘言之事疑情剝落正念
流通若非密契于能仁何以顯揚于大法言不可默今正是時璨公長
老為達摩孫具圓照眼世緣苦融樂於熙笑之中情境是非了彼往來
之相不離蘂華之坐大振海潮之音趙栢常青普作禪庭之蔭曹源不
斷永同天筭之延茲事甚明勿疑休問

請權老開堂疏

碧眼胡僧親啣骨髓肉身菩薩密契風幡皆正法藏中機寔廣長舌下

語衣伊欲再揚宗旨何期撞着作家莫惜當場與他戲破令權師和尚
夙探虎穴獨駕牛車可謂鎮海明珠堪任大乘法器自從吸盡西江水
只恐踏殺天下人譬一夫當衝能八面受敵好看抖擻真獅子大吼一
聲從他驅逐野狐精直走千里

請天寧深老開堂疏

陳了翁

竊以不說而說未為究竟之說无門之門尤在離微之境若非真是一
句何以開示羣迷宜得當人善揚茲事深公長老灯傳少室派出靈巖
嗣本覺之前因任天寧之勝刹以一大事酬舍生莫報之恩于萬斯年
祝聖主無疆之壽堯天廣大佛日光明合内外之勝緣讚延長之享運
四眾之所咸賴一音可以普宣今正是時宜陞此座

請應老開堂疏

天竺五葉花遍開中土曹溪一滴水普濟十方只從禪指之間自可點
頭而會今某人和尚六根已盡一念不生身似白雲无山不到心如皎
月有水相容矧彼靈峰寔惟古刹不假尖新手段詎能施展家風好開

東武劉氏嘉蔭發宋本校鈔

之門示西來之祖意當以无量壽祝南面之至尊

請堂老開堂疏

此一大事切忌商量縱是作家如何持唱假使終身杜口漏洩已多直
饒半夜傳衣遮藏不得九年端坐剝肉作瘡一擊方知迷聲認影未離
音響終涉離微雖云寂々醒々未辨洒々落々迨於季末轉見清訛於
實際中橫分禪律于一音内互說高低致令驕慢之流以禪為戲而俾
放逸之士謂律可除或言本自融通也是強生節目不无方便可使流
傳惟此法雲巖素蹄淨刹地隨人廢宗風常墜於當年道與時興祖令
忽新於今日縣宰有更張之術使君懷外護之心呼吸之間天人改觀
堂師長老眾推高行師與安心派出韶陽香生雲岫初如闌閣得寶便
擬韜藏終為緇素奔趨不容辭避來登法座願振雷音的々因心誰悟
少林消息冥々垂首請參莫照兒孫別有一言異時分付

請鑑老開堂疏

曹溪一滴本自何來少室九年但明斯事直得拈花分付不如面壁商

量至於舉錯相呈皆是事不獲已多前得指萬里鄉閭句後明宗兩重
公案无物可說一言靠倒維摩據寔而言三頓賺殺林濟放開一線作
麼承當去此二途如何語會必有人中師子來登此處道場自乾明變
律為禪得榮公為眾演法、无異法人用當人古鏡重磨一任猊來猊
見高明有繼且見鳳生鳳見鑑公長老早入空門夙奉慈戒忽厭手字
頓悟圓宗誓學最上乘得見如是事蓋什方勝教盡出雲岩舉一瓣香
皆生雲岫副信士精懃之請紹古人特唱之風更無可言請升一座

請文老開堂疏

以言演法、不在于筌蹄即物明真、豈留于影跡直指本家面目除
非本分鈴錘亘古不迁清風常在文公長老得宝印正眼為靈巖嫡孫
處雪峰之道場眾推領袖還丹邱之舊刹不露鋒鋷今逢出世因緣即
合隨時演唱山如鷲頰地有涌泉古師之舊迹猶存上士孤風可繼不
離當處發千里未傳之機永為聖君祝萬壽无疆之慶請升猊座一振
雷音

東武劉氏嘉蔭發宋本校鈔

請彦老開堂疏

邵公濟

士比退之許大顛之出世僧如惠遠招靈運以論交惟儒釋之本同亦
道之相契領茲妙理宜有宿因惟我先公為時前輩爰有方外之士早
從人間之遊冠佩永秘於名山松檟近依于宝地念師表常求于先友
湏名德不愧于古人彦老禪師學本无心遠傳孔氏之道才真可用近
聞登觀之風寺屬老僧當志占于規戒占乱有感雪涕无從果哀懇之
獲伸庶冥福之可荐

請祥雲院長老開堂疏

竊以大事因緣舉世沒奈何時時特出作家手段是人動不得蒙方施惟
茲覺場幾成魔宅若无伎倆安可承當恭惟堂頭長老禪師龜峰天馬
駒靈石金獅子輝騰今古把定乾坤本是北斗藏身暫問西乾出世放
行嚴令振取類綱三世聖人計較未成時頗能擔負六代開士扶持不
起靈偏以交加終下水方見長人既入林湏防猛虎不啣啗漢乃帶水
拖泥若伶俐人則提危濟險况本來具大机大用肯隨例道不會不知

百尺竿頭已曾進南泉之步十字關市何妨得名之牌鼓舌搖唇呵佛罵祖若問又殊伏劔其意云何肯使釋迦低頭出氣不得况有在頂一眼睥睨可把隨身七事施張若見希奇便宜撻却祖席儻沒交涉定是掀倒絕床舉唱宗風洪延睿笑一句作麼生道

請妙行禪師開堂疏

妙行相精藍直湘江之要會慶公長老真曾洞之滴孫入境相多因緣有在不詳鬧處方見作家象肯峰前已是親曾受記虎頭城裏何妨舉以向人幸吐潮音用扶灌祚

請中塔禪師開堂疏

眷茲中塔寔乃上游謂何鐘鼓之坊化作兵戈之地不有廢也何以其為琅公禪師臨濟宗派能紹隆于佛種才不墜于家風灰燼之餘允屬開荒手段龍天之會諦觀祝壽道場

請栖隱長老開堂疏

栖隱道場南華祖意有善知識為大宗師拈起三瓣香不是尋閑佛事

東武劉氏嘉蔭稿宋本校鈔

放開一線路且看本分作家欲聽潮音願白金諾

重請慈雲長老開堂疏

兵戈林裏脫身乃飢鷹爪下得免灰燼堆頭作屋斯烈火燄中生連須經魔難一場方見神通三昧智公長老臨濟嫡孫得密傳骨髓於泐潭移正令鈴椎于贛渚老僧與鉢孟俱在依舊家風關市將肯董自隨重開鋪席好將妙語永贊丕圖

請普明長老開堂疏

苾芻林裡更无九根楊梅渡頭已登彼岸智公長老贛郡名流參罷而接物應人禪餘而嘲風詠月點金于九轉火內華律為禪進步于百尺竿頭逢場作戲好將佛語上贊帝齡

請天觀長老開堂疏

種玉黃金堂布紺宇寔古辟支佛之舊弟也機鋒活落肯象稜層真妙喜禪師之嫡孫也人景相高自是法緣際會基罔不拔更須道力維持當以妙揚副茲公選

請空老開堂疏

水月萬象居中是名覺海風幡一句在後誰見道心某公禪師庭柏傳家座祝增價莫問呵佛罵祖且觀舉拂拈槌應而不藏喜靈山之有托言而當法祝睿莫以无疆

請太平長老開堂疏

桃源勝地柰苑名藍叢席久虛輿情共候詮公長老婺女高人提正令之鉗鎚作諸方之領袖若許龍安山前借重便令獅子席上生光不動干戈已見太平之氣象庶免香火用扶有永之基圖

請崇寧長老開堂疏

五百歲而出君臣歌天保之詩千萬人之心香火作華封之祝恭惟皇帝宇宙在其手日月合其明一日二日萬幾遠追神考三千大千世界已在華胥已喧輿議之太平當習群臣之嘉頌謂上帝降年有永既百斯男頌吾君无得而称惟一日壽廟堂歸美天地歡聲眷東武之奧區有西方之故刹昔為光聖蓋揚州武之大明今揭崇寧請誦台公之江

東武劉氏嘉蔭後宋本校鈔

漢去彼取此因時制宜閻浮提國中悉皆歡喜兜率托天上如是莊嚴出祝座之大音教讚天恩之不思議无煩鑿鼓便有道場伏願皇帝陛下惟懷永圖自遺哲命循大環海四維无盡而无边如須彌山萬劫不騫而不壞允在潮音之下皆歸壽域之中率時耆厖多所饒益

請圓老開堂疏

拄杖頭三千世界誰敢擔當經卷中百億塵沙如何駕說只教饒舌便放出頭此地見有朱沙何處更尋赤李共惟某人首叢林之右選嗣佛日之正宗以一切為禪悅之門將三昧為遊戲之地飽嚼葛藤滋味慣使狗子机関无設樹上之禪語說空中之相傍依家行脚把牛鼻繩象風裝帆作獅子吼念先師不可思議須尊宿明示去來拽出旋渦須教到岸布袋放下布袋等閑到處為家葫蘆自縛葫蘆今日逢場作戲拈出八萬四千之公案重新三百六十之家風奉饒當面熱瞞忍得低頭冷笑既是作家手段自當拆障補籬那堪本色鉗鎚正好磨磚點鉄勿瞻瞻平人眼孔莫乾折自己箸毛百尺竿頭不要忙三家布裡須還是

高陞祝座大振雷音

請普會長老開堂疏

舉花示道識者承當指柏明心達人究竟不離方寸即是如來執情見者千里山河了性空者一輪水月揚眉瞬目盡顯宗風見色求聲俱非聖解須假言詮之要方窮真諦之歸不有導師誰知奧旨普會和尚密授雲門之印親傳洪濟之衣超最上乘得不二義立諸方之標準為末學之津梁正坐道場全提祖令一灯繼照放无盡之宝光五葉齊開成自然之妙果幸臨法會大振潮音願度群迷毋辭廣說

請會長老開堂疏

種、皆真元无差別塵、是道不假脩為由來千里聖不傳本无一法可說未超上悟須露玄機指庭柏以明心舉手卷而示道欲開群惑宜假導師勝因會長老陽岐遠孫佛果嫡子高提祖印大闡家風開方便之多門句中有眼指莊嚴之淨土佛外无心幸振潮音來臨法席

請照堂夏講說

陳了翁

東武劉氏嘉蔭篋宋本校鈔

禪者調御之心教是能仁之語覺王心口動竅摠具於全身海印凝流畢竟同歸于秘藏曹源一滴終无別水之波佛隴九旬但指本輪之月言、皆藥法、无瘡要知手藏之文不離面壁之露毫厘若契說默皆如苟違雙照之機詎違俱泯之相余設高坐以邀上人照以長老善續祖灯嚴持教網住上均慧久散圭峯之舊徒為物入廊嘗誦弥迦之輪字金剛圓覺已侈傾聽之人資福宝城同是精藍之地宜順可從之請勿違无作之緣

請明長老說圓覺經疏

晷无咎

脩多羅教者如來本起因地正受住持大涅槃門妙莊嚴十二部經諸決定義十二菩薩所脩行因流出无量一切吉祥真如超過恒沙十方文字譬喻若廣說、者千劫不盡若无說、者一句不煩然而末世勤勞益遠正法衆生眼目必有導師和尚德性純明道鋒孤挺具三次第為一搥持固嘗振錫游心為證此事拈香說悟已契古人于我此邦風植善本願與慈闍普為宣揚夫性覺圓通初无此觀彼觀因地漸次故

故有齊脩單修欲今見聞不生差別幸對人天之眾尚无金玉其音

請律師說圓覺疏

史天秩

道在眼前誰能覩妙書形紙上可以悟疑不妨糟粕之傳自有筌蹄之獲况遇琅函秘字金口妙音指如幻之六塵破有為之四相五千餘卷攸歸一杪之微二十五輪進以分門之異雖名頓教亦諭漸脩諸佛所言是人願聽共以某人辯才无碍覺性有融志在最上乘心存第一義久遊都會獨步教門須說法度人未免歸鄉酬業金風擁馬指山寺以言旋玉塵開顯散天花而作供勉從鄉議用報佛恩

請長老講經疏

張已正

一性圓通能照盡无法界有生之類與我同得去真即塵於性遂遠譬之貧人懷无價宝日在其身不知自覺求乞於市以得為喜迷是性者不知寶故人有寶山如山有寶若能得宝其價无量終身搜山久无所得力窮心急疑山無寶偶得千金和山售寶迷是相者不見宝故使人得宝日生千金自信无疑世必无金可易其實然有世得寶自以為真

東武劉氏嘉蔭發宋本校鈔

韞積而藏舉不能移其所愛有真識者指其所非試之寶市眾識皆笑此名見寶而寔不見宝妄見非性亦復如是乃知起性必導人以見性然性因疑生自見分別我初无疑信亦何有疑性既滅性本如日若夫起信本為疑設而疑者自疑以信為有今吾鄉智師以是因緣為眾起信師乎吾非惧汝之不見性也

請慧通炬閣黎講法華經

一宿明心固須直截九句設妙也要周遮宏演真文允屬開士炬師閣黎禪律俱貫權實互融了三止三觀之詮淨六根六塵之障傳衣隴佛夙承銀地之宗風秉拂仙潭曾露金容之秘記佇臨鹿苑等與牛車不憂緇侶之驚疑行見天花之乱墜

聖宋名賢五百家播芳大全文粹卷九十四終

東武劉氏嘉蔭樓宋本校鈔





